

# DECRETA

A REGVLARIVM SVPERIORIBVS

LOCALIBVS

In Publica Mensa, vel in Capitulo  
ad hoc specialiter conuocato  
quotanis, statutis tempo-  
ribus iuxtà formam in  
eis præscriptam le-  
genda.



Romæ, & Neapoli Apud Nouellum de Bonis 1677.  
*Superiorum Permissu.*

D E C R E T A

Avuertimenti per li Superiori locali, ca-  
uati dalli Decreti delle Sacre Con-  
gregationi del S. Officio, e de'  
Regolari.

**L**I Superiori locali sono tenuti sotto pena di priuatione dell'officio, e di voce attiva, e passiva ipso facto incurrenda, far legere ogn'anno nel Lunedì dopò la prima Domenica dell'Auuento, e nel Venerdì dopò l'ottaua del Santissimo Corpo di Christo li Decreti *De Celebratione Missarum*, che cominciano. *Cum sapè contin-*  
*gat,* &c. come à carte 7.

Sappiano però li sudetti Superiori, che la Sacra Congregatione de' Regolari con vn Decreto spedito sotto li 12. Marzo 1638. condonò a' Superiori locali dell'ordine Heremitano di S. Agostino tutte le pene incorse fin à tal giorno per l'inosservanza di non hauer fatto legere, li sudetti decreti *De Celebratione Missarum*, e si contentò che per l'auuenire habiano tempo di farli legere, senza incorrere in pena alcuna, giorni dieci dopò i detti Lunedì, e Venerdì assignati.

Questa gratia per la communicatione de' priuilegi s'intende concessa ancora à tutti gl'altri Superiori locali dell'altre Religioni approuate.

Ogni Superiore locale è obligato ogni anno nel lunedì dopò l'ottaua dell'Assunzione della Beata Vergine in publica tauola, ò in vn Capitolo specialmente conuocato à quest'effetto, auuisar li suoi sudditi dell'osservanza delle Constitutioni Apostoliche, e decreti spettanti al  
San-

Santo Ufficio, e particolarmente di quelli de' quali si fa  
mètionè nel Decreto publicato da Urbano VIII. di San-  
mem. sotto li cinque Decembre 1633. che cominicia  
*Sanctissimus Dominus noster seduld incumbens, &c.* con-  
far leggere detto Decreto sotto le pene &c. come à car-  
te 1.

Sotto l'istesse pene li superiori maggiori li deuono far  
legere in ogni Capitolo Generale, ò Prouinciale, ò Die-  
ta, &c. e procurare che detti Decreti stiano sempre af-  
fissi in luogo publico, acciò tutti li Padri li possano ve-  
dere, e legere.

La Sacra Congregatione della Santa Inquisitione  
sotto li 5. Nouembre 1638. ha concesso, e prorogato la  
lettura delli sudetti Decreti per tutto il mese d'Agosto. ;

Li sudetti Superiori deuono due volte l'anno almeno  
far leggere in publica tauola li Decreti *de Apostatis, &  
Eiectis*, che cominciano *Sacra Congregatio, &c.* come  
à carte 23.

Li medemi Superiori deuono far leggere parimente  
due volte l'anno li Decreti Generali di Papa Clemente  
VIII. *De reformatione regularium, de receptione, pro-  
fessione, & institutione Nouitiorum*, come à carte 29.

Quali Decreti di Clemente VIII. *& de apostatis, &  
eiectis*, non essendoui giornata prefissa, si sogliono lege-  
re dopò li Decreti *de celebratione missarum*. E chi pre-  
sume di non farli legere, incorre nella pena della priua-  
tione di tutti gl'officij, e della voce, &c. qual pena è ri-  
serbata à Sua Santità.

Sono obligati li Superiori locali sotto pena di priua-  
tione, &c. far legere ogn'anno nel mese di Gennaro le  
Costituzioni d'Urbano VIII. e Clemente VIII. *De Lar-  
gitione Munerum*, come à carte 60. e 64.



Li medemi Superiori sono obligati sotto pena d'incorrere nelle censure contenute nella Costituzione di Paolo V. e nella priuatione delle dignità, officij, e voce attiuā, e passiuā, &c. far legere ogn'anno in publica tabuola, ò in vn Capitolo à quest'effetto conuocato nel primo di Marzo, il Decreto della Santa Inquisitione *contra bareticā prauitatem*, promulgato dal Sommo Pontefice Alessandro VII. di fel. mem, che comincia *Licet aliàs per Constitutionem*, &c. come à carte 73.

E nel medemo giorno far legere similmente i Decreti, e Constitutioni spettanti al Sant'Officio dell'Inquisitione *contra bareticā prauitatem*, secondo il Decreto della fel. mem. d'Urbano VIII. che comincia *Sanctissimus Dominus Noster*, &c. come à carte 1. Et tener affisse in luoco publico le copie degl'vni, e dell'altri decreti.



# DECRETVM

Vt omnes Regularium Superiores suos subditos, & Religiosos persæpè comoneant de iniuncta omnibus obseruantia, & executione Apostolicarum Constitut, ac Decretorum ad Officium Sanctiss. Inquisitionis aduersus hæreticam prauitatem pertinentium.

FERIA V. DIE XIV. APRILIS  
M.DC.XXXIII.

*In Generali Congregatione Sanctæ Romanæ, & Vniuersalis Inquisitionis habita in Palatio Apostolico Montis Quirinalis coram Sanctiss. Domino Nostro D. VRBANO Diuina prouidētia Papa VIII. ac Eminentissimis, & Reuerendissimis Dominis Sanctæ Romanæ Ecclesiæ Cardinalibus aduersus hæreticam prauitatem Inquisitoribus Generalibus à Sanctæ Sedis Apostolica specialiter deputatis.*



SANCTISSIMVS Dominus noster sedulò incumbens, vt ea, quæ salubriter Apostolicis Decretis, & Constitutionibus statuta, & ordinata sunt, præsertim quæ ad Sanctum Officium Inquisitionis contra hæreticam prauitatem pertinet,

A

in-

inuiolabiliter obseruentur, & omnimodam sortiantur executionem, distictè mandat, & præcipit, Vt omnes Superiores cuiusvis Ordinis, Congregationis, Societatis, etiam de necessitate exprimendæ Regularis, aut cuiusvis alterius instituti, etiam quantumvis exempti, & priuilegiati, teneantur sub pœna priuationis officij, ac vocis actiuæ, & passiuæ ipso facto incurrenda, alijsque arbitrio Sanctitatis suæ infligendis in perpetuum semel factem in anno, idest, feria sexta post Octauam Assumptionis Beatæ MARIAE Virginis in publica mensa, vel in Capitulo ad hoc specialiter conuocato. Et insuper in quocunque Generali, ac Prouinciali Capitulo, Conuentu, Dieta, vel alio quouis nomine nuncupato Capitulari Congressu suos subditos, ac Religiosos, commouere de iniuncta omnibus obseruantia, & executione earundem Apostolicarum Constitutionum, & Decretorum ad Sanctum Officium Inquisitionis aduersus hæreticam prauitatem pertinentium, ac præsertim.

Iulij III. Cōstitutionis 11. incipiētis *Licet à diuersis*. Cōtra impediētes Inquisitores hæreticæ prauitatis in eorum Officio, aut in causis Inquisitionis se ingerentes, eorumque complices, & fautores: Et contra ipsos Inquisitores admittētes laicos ad criminis hæresis cognitionem. Et Pij V. Constitutionis 82. incipiētis *Si de protegendis*. Contra occidentes verberantes, deijcientes, aut perterrefacientes quemvis ex Ministris Sanctiss. Officij Inquisitionis, vel Episcoporum id munus in sua Diœcesi, vel Prouincia, obeuntium, scū Accusatorem, Denunciatorem, aut Testem, in causa fidei quomodocunque productum, vel euocatum: necnon contra diripientes, expugnantes, inuadentes, incedentes, explicantes, aliouè exportantes alicuius prædi-

storum bona, libros, litteras, auctoritates, exemplaria, regeſta, protoſcolla, exempla, ſcripturas, aliaue inſtrumenta, ſiue publica, ſiue priuata, vbicunque poſita, eorumque Complices, & fautores: & contra eſfringentes Carcerem, vel cuſtodiam publicam, vel priuatā extrahētes, vel emittētes Vinctū, prohibētes capiendum, captiue eripientes, recipientes, occultentes, ſeu facultatem eſfugiendi dantes, ſeu id fieri iubentes, eorumque complices, & fautores, etiam effectu non ſecuto: nullatenus excuſandos, niſi claras tantummodō probationes in contrarium adducentes, & contra Intercedentēs pro præſatis delinquentibus: Inſiſtis contra quemlibet prædictorum poenis, quæ damnatis in primo capite legis Iuliæ Maiestatis, eorumque filiis, irrogantur: & oblata Reuelantibus impunitate.

Pij IV. Conſtitut. 31. incip. *Cum ſicut nuper*. Contra Sacerdotes, qui Pœnitentes Mulieres in actu Sacramentalis Confeſſionis ad inhoneſtos actus prouocare, & allicere tentant, & ſolicitant, & Greg. XV. Conſtit. 34. incip. *Vniuerſi Domini Gregis*, ampliatiue circa huius criminis probationes, & extenſiue contra Confeſſarios, qui perſonas (quæcunque illæ ſint) ad inhoneſtas, ſiue inter ſe, ſiue cum alijs, quomodolibet perpetranda in actu Sacramentalis Confeſſionis, ſiue ante, ſiue poſt immediatē, ſiue occaſione, vel prætextu Confeſſionis, vel extra occaſionem Confeſſionis in Confeſſionario, aut alio in loco ad audiendam Confeſſionem electo, ſolicitare, vel prouocare tentauerint, aut cum eis illicitos, & inhoneſtos ſermones, ſiue tractatus habuerint. Et contra Confeſſarios non monentes eos, quos ſciunt ab alijs



Confessarijs sollicitatos esse, vt Inquisitoribus, vel Ordinarijs, sollicitantes denuncient, vel docentes eos ad ita denunciandum non teneri.

Gregorij XIII. Constit. 22. incip. *Officij nostri partes*. De Iurisdictione Inquisitorum hæreticæ prauitatis in eos, qui ad Ordinem Presbyteratus non promoti Missas celebrant, & sacramentaliter confessiones audiunt. Clementis VIII. Constit. 81. incip. *Et si alias*: declaratorix pœnæ contra eos infligendæ per Iudices Laycos, præuia eorum degradatione. Et Sanctitatis suæ Constit. 79. incip. *Apostolatus Officium*: extensiuæ ad minores 25. annis, dummodo vigesimum ætatis annum compleuerint.

Sixti V. Constit. 17. incip. *Cæli, & Terra Creator*. Contra exercentes artem Astrologiæ Iudiciariæ, & alia quęcunque Diuinationum genera, libroluè harum artium legentes, vel tenentes. Et Sanctitatis suæ Constit. 113. incip. *Inescrutabilia Iudiciorum Dei*. extensiuę ad alia, & cum grauioribus pœnis.

Clementis VIII. Const. 41. incip. *Cum sicut*. Contra Italos, ne extra Italiam profiscantur ad loca, in quibus liber, & publicus cultus, siuè vsus Catholice Religionis non existat, minusque eis in locis habitent. Et Gregor. XV. Constitut. 28. incip. *Romani Pontificis*, contra hereticos, ne in locis Italię, & Insularum adiacentium quouis prætexu commorentur, & contra eorum fautores, & Receptatores.

Pauli V. Constitut. 26. incip. *Romanus Pontifex*. Reuocatorię Facultatum Superioribus quorumcunque Ordinum, & Religiosorum, quoquo modo concessarum, cognoscendi Causas suorum subditorum ad officium Sanctę Inquisitionis quomodolibet pertinentes.

Eius-

Eiusdem Constitut. 97. incip. *Regis pacifici*. Inno-  
uatoriæ Constitutionum à Sixto IV. & Pio V. de Con-  
ceptione B. M. A. R. I. Æ Virginis editarum: Impositio-  
nis maiorum pœnarum in transgressores, à locorum  
Ordinarijs, & hæreticæ prauitatis Inquisitoribus pu-  
niendos. Et Gregorij XV. Constitut. 29. incip. *Sanctissi-  
mus Dominus Noster auditis*. ampliatiuæ, & declara-  
toriæ prohibitionis asserendi B. M. A. R. I. A. M. Virgi-  
nem conceptam esse in peccato originali.

Gregor. XV. Constit. 27. incip. *Romanus Pontifex  
in specula* reuocatoriæ quarumcumque Concessio-  
num viuæ vocis oraculo factarum, & Sanctitatis Sux  
Constit. extensiux ad quoscumque quantumuis priui-  
legiatos, & exemptos, incip. *Alias fel. rec.* Gregor. Papa  
XV. sub Dat. Romæ 20. Decembris 1631.

Eiusdem Constit. 40. incip. *Apostolatus officinm*, Et  
Sanctitatis Sux Constit. 114. incip. *Eo modo*. reuocato-  
riæ licentiarum quarumcumque legendi, & habendi li-  
bros prohibitos,

Sanctitatis Sux Constit. 37. incip. *Sanctissimus Do-  
minus Noster solcite animaduertens*. De Imagini-  
bus nondum à Sede Apostolica Canonizatorum, vel  
Beatificatorum cum Radijs, Splendoribus, aut Laureo-  
lis, non proponendis: Tabellis, aut luminaribus ad eo-  
rum Sepulchra non apponendis: eorumuè gestis, mira-  
culis, Reuelationibus, Beneficiorum impetrationibus,  
non publicandis, aut imprimendis.

Pariter Sanctitatis Sux constitut. 50. incip. *Sanctissi-  
mus Dominus Noster pro debito sui Pastoralis officij*. De  
libris vbicumque compositis, de quacunque materia  
tractantibus, ab his qui degunt in statu Ecclesiastico,  
non transmittendis alio, vt imprimantur, sine Vicarij, &

Magistri Sacri Palatii in Vrbe, vel extra eam sine Ordinarii, & Inquisitoris, aut ab eis deputatorum, licentia.

Et eiusdem Sanctitatis Suae Constit. sub Dat. Romae die 5. Nouēbr. 1631. incip. *Cum sicut accepimus*, Quod Constitutiones Apostolicæ in concernentibus Fidem Catholicam, & Sanctæ Inquisitionis officium hætenus editæ, & in posterum etiam super quacumque alia re edendæ, omnes Regulares quomodolibet priuilegiatos comprehendant, nisi in edendis illi specialiter excipiantur.

Et insuper iidem Superiores teneantur curare, & efficere, vt huius Decreti exempla aliquo in loco apud eos publico affigantur, & affixa conseruentur, ita vt ab eisdem subditis Religiosis omnibus videri, ac legi commodè queât: Deque huiusmodi conditione publico documento statim certiore facere Congregationem Sanctissimæ Inquisitionis in Vrbe. Et ita mandat, & præcipit Sanctitas Sua.

*Ioan. Antonius Thomafius S. Romana, & Vniuersalis Inquisitionis Not.*

Anno Millesimo sexcentesimo trigesimo tertio, Indictione prima, Pontificatus S. D. N. D. Urbani Diuina prouidentia Papa Octauī, die verò septima Mensis Iunij supradictæ Litteræ, siue Decretum affixum, & publicatum fuit ad Valuas Principis Apostolorum Urbis, ac in acie Campi Floræ, vt moris est, per me Alexandrum Latinum Prælibatū Sanctissimī D. N. Papæ Cursorem.



# DECRETA

S. Congregationis Concilij.

SANCTISSIMI D. N. VRBANI

Diuina Prouidentia Papæ VIII.

Authoritate edita.

De Celebratione Missarum.



VM sæpè contingat, in quibusdam Ecclesijs tam magnum Missarum celebrandarum numerum ex varijs defunctorum relictis, aut piorum eleemosynis impositum esse, vt illis pro singulis diebus præscriptis nequeat satisfieri, & tamen noua onera Missarum in dies suscipiantur: indeque fiat, vt depereant piæ testantium voluntates, obstricta benefactoribus fides violetur, Defunctorum animæ suffragijs priuentur, Ecclesijs debitus subtrahatur cultus, ac Christi fideles graui scandalo affecti, plerumque à similibus charitatis operibus retrahantur: Cumque his malis maximum inter cætera fomentum præbeat, aut quod ij, qui Missas supra vires celebrandas suscipiunt, sperent illas breuè ad pauciores numerum à Superioribus reductum iri, aut quod Ecclesijs, fortè pecuniarum absumpta, plerumque nuda remaneant onera Missarum absque vllò emolumento; aut quod eleemosyna pro illis celebrandis sit adeo tenuis, vt non  
faci-

facilè inueniantur, qui velint huic se muneri subijcere,  
 & redditus Ecclesiæ, aut Monasterij adedè exigui, vt  
 Sacerdotes pro necessaria sua sustentatione nouis se  
 oneribus obstringere compellantur, SACRA CON-  
 GREGATIO CARD. CONC. TRID. INTERPRE-  
 TVM animaduertens, facturam se rem Deo gratissi-  
 mam, charitatique, ac Iustitiæ maximè consentaneam,  
 si pro viribus sataget, hunc teterrimum abusum è Chri-  
 stiana Republica conuellere, atque eradicare: Sanctiss.  
 D. N. VRBANI Diuina Prouidentia PAPÆ VIII.  
 autoritate sibi specialiter attributa, infrascripta De-  
 creta edidit.

Ac primò distinctè prohibet, atque interdicet, ne  
 Episcopi in Diocesana Synodo, aut Generales in Ca-  
 pitulis generalibus, vel aliàs quoquo modo reducant  
 onera vlla Missarum celebrandarum, aut post idem  
 Concilium imposita, aut in limine foundationis, sed pro  
 his omnibus reducendis, aut moderandis, vel commu-  
 tandis ad Apostolicam Sedem recurratur, quæ re dili-  
 genter perspecta, id statuet, quod magis in Domino ex-  
 pedire arbitrabitur: aliòquin reductiones, moderatio-  
 nes, & commutationes huiusmodi, si quas contra huius  
 prohibitionis formam fieri contigerit, omninò nullas,  
 atque inanes decernit.

Deindè vbi pro pluribus Missis etiam eiusdem quali-  
 tatis celebrandis plura stipendia, quantumcunque in-  
 congrua, & exigua, siuè ab vna, siuè à pluribus perso-  
 nis collata fuerunt, aut conferentur in futurum Sacer-  
 dotibus, Ecclesijs, Capitulis, Collegijs, Hospitalibus,  
 Societatibus, Monasterijs, Conuentibus, Congregatio-  
 nibus, Domibus, ac locis pijs quibuscunque tam secu-  
 laribus, quàm regularibus, SACR. CONGREGATIO  
 sub

9  
sub obtestatione Diuini Iudicij mandat, ac præcipit, vt  
absolutè tot Missæ celebrentur, quot ad rationem attri-  
butæ eleemosynæ præscriptæ fuerint: itaut alioquin ij,  
ad quos pertinet, suæ obligationi non satisfaciant, quin-  
imò grauius peccent, & ad restitutionem teneantur.

Id verò vt deinceps obseruetur exactius, **SAC.**  
**CONGREGATIO** eadem auctoritate reuocat priui-  
legia, & indulta omnia quibuscumque personis, Ecclesijs, ac  
locis pijs, tam secularibus, quàm regularibus cuius-  
cunque Ordinis, Congregationis, & Instituti, quam-  
cunque ob causam concessa, quibus indulgetur, vt cer-  
tarum Missarum, vel Anniuersariorum celebratione,  
aut aliquibus collectis, seu orationibus, plurium Missa-  
rum oneribus in futurum suscipiendis satisfiat.

Ac similiter, omne damnabile lucrum ab Ecclesia  
remouere volens, prohibet Sacerdoti, qui Missam sus-  
cepit celebrandam cum certa eleemosyna, ne eandem  
Missam alteri, parte eiusdem eleemosynæ sibi reten-  
ta, celebrandam committat.

Præterea, ne in Ecclesijs, in quibus onera Missarum  
in perpetuum imposita sunt, Sacerdotes in eis, vt par est,  
adimplendis, eò repidiores, ac segniores reddantur, quò  
onera huiusmodi cum nulla, aut parua sint vtilitate con-  
iuncta; statuit, atque decernit, vt pecuniæ, ac bona mo-  
bilia Ecclesijs, Capitulis, Collegijs, Hospitalibus, So-  
cietatibus, Congregationibus, Monasterijs, Conuenti-  
bus, ac locis omnibus, tam secularibus, quàm regulari-  
bus, atque illorum personis in futurum similiter ac-  
quirenda cum onere perpetuo Missarum celebranda-  
rum, ab ijs, ad quos pertinet, sub pœna interdicti ab in-  
gressu Ecclesiæ ipso facto incurrenda à die realis acqui-  
sitionis, statim deponi debeant pœnes ædem sacram.,

B

vel



vel personam fide, & facultatibus idoneâ, ad effectum illa, seu illorum pretium quamprimum inuendi in bonis immobilibus fructiferis cum expressa, & indiuidua mentione oneris, quod illis annexum reperitur: ac si eadem bona immobilia auctoritate Apostolica demerpsal enari contingerit, eorundem pretium sub eadem pœna, ut supra, deponi, atque in alijs bonis stabilibus itidem fructiferis cum eisdem oneris repetitione, atque annexione concerni debeat.

Ad hec SAC. CONGREGATIO quibuscumque Capitulis, Collegijs, Societatibus, & Congregationibus, necnon omnibus, & singulis Ecclesiarum, ac piorum locorum, tam secularium, quam regularium Superioribus, vel alijs, ad quos pertinet, districte prohibet, ne in posterum onera perpetua suscipiant Missarum celebrandarum; seculares quidem sine Episcopi, vel eius Generalis Vicarij, Regulares verò sine Generalis, vel Prouincialis consensu, & licentia in scriptis, & gratis concedenda: alioquin secularis, qui huius prohibitionis transgressor extiterit, ab ingressu Ecclesiæ interdictus sit eo ipso; Regularis verò pœnam priuationis omnium officiorum, quæ tunc obtinebit, ac perpetuè inhabilitatis ad alia de cætero obtinenda, vocisque actiuæ, ac passiuæ, absque alia declaratione incurrat. Eleemosynas verò manuales, & quotidianas pro Missis celebrandis, ita de mum iidem accipere possint, si oneribus antea impositis, ita satisfecerint, ut noua quoque onera suscipere valeant; alioquin omninò abstineant ab huiusmodi eleemosynis, etiam spontè oblati in futurum recipiendis, & capsulas auferant ab Ecclesijs cum inscriptione illa, eleemosyna pro Missis, vel alia simili, sub iisdem pœnis ipso facto incurrendis, ne fideles hac ratione fru-

frustentur. Episcopus verò, seu eius Vicarius, aut Generalis, vel Prouincialis, vbi de licentia pro perpetuis oneribus fuerint requisiti, in singulis casibus diligenter inquirant de singulis Missarum celebrandorum obligationibus cuique Ecclesiæ Monasterio, aut loco pio incumben- tibus, nec antea assensum huiusmodi, aut licentiam præbeant, quàm eis legitimè continerit, illius Sacerdotes tam nouo oneri suscipiendo, quàm antiquis iam susceptis satisfacere posse; præcipuamque rationem habeant, vt reddi us, qui Ecclesijs, & locis pijs relinquuntur, omninò respondeant oneribus adiunctis, secundum morem cuiusque Ciuitatis, vel Prouinciæ, intelligantque si in re tanti momenti desides, aut negligentes fuerint, in Nouissimo die se huius prætermissi muneris rationem esse reddituros.

Postremò ILLVSTRISS. PATRES, non sine graui animi dolore intelligentes, mala ferè omnia, quæ regularem disciplinam euertunt, ac præcipuè nimiam hanc facilitatem fouent in oneribus Missarum supra vires suscipiendis, veluti ex infecta radice, pullulare ex maiori Regularium numero, quàm ferant redditus, & eleemosynæ cuiusque Monasterij; inhærentes Summorum Pontificum, ac Sacri Tridentini Concilij decretis hac de reeditis, Sanctiss. D. N. auctoritate præcipiunt, ac mandant omnibus, & singulis Generalibus, Prouincialibus, Commissarijs, Ministris, Præsentibus, Abbatibus, Prioribus, Præpositis, Guardianis, Vicarijs, & quibuscunque alijs Superioribus Monasteriorum, Conuentuum, ac Domorum regularium bona immobilia possidentium, vel non possidentium, cuiuscunque Ordinis, Congregationis, & Instituti existentium intra fines Italiae, & insularum adiacentium, vt singuli ad quos per-

tinet, in qualibet Prouincia, adhibitis duobus, aut tri-  
 bus Regularibus sui Ordinis, vel Congregationis pro-  
 bationibus, & rerum vsu peritioribus, bona immobilia,  
 census, redditus, & prouentus omnes, consuetas item  
 eleemosynas, & obuentiones, tam communes Mona-  
 steriorum, Conuentuum, & Domorum eiusdem Pro-  
 uinciæ, quàm etiam singularibus personis religiosis assi-  
 gnatas, seu permissas in communem vsu deinceps con-  
 ferendas, decem annorum immediatè præcedentium  
 habita ratione diligenter, & maturè recognoscant, ijs  
 omnibus detractis, quæ reparationes, præstationes,  
 grandines, sterilitates, aliaue cuiuslibet generis onera  
 consueuerunt absorbere; eaque omnia scripto fideliter  
 exarata, idem Superior cuius interest, in proximo Ca-  
 pitulo, seu Congregatione generali, vel prouinciæ cor-  
 ram tribus Iudicibus ab ipsomet Capitulo, seu Congre-  
 gatione deligendis, proponat, qui computatis eiusho-  
 di redditibus, eleemosynis, & obuentionibus vniuersis,  
 & oneribus, vt supra, detractis, sedulò examinent, quot  
 religiosi homines connumeratis, etiam laicis, alijsque  
 necessarijs seruientibus, in vnoquoque Monasterio, Cō-  
 uentu, & domo regulari, iuxta regionis, & proprii insti-  
 tuti morem, victum, & vestitum, & medicinalia, in cō-  
 muni habentes, competenter valeant sustentari. Tūc  
 eorundem bonorum, reddituum, eleemosynarum, &  
 onerum præcisam notam ipsimet Capitulo, seu Congre-  
 gationi exhibeant, vt in illo diligenter omnibus discuf-  
 sis, cuiusque familiæ Monasterij, Conuentus, ac Domus  
 regularis in singula quaque Prouincia certus earum tã-  
 tum personarum numerus, Patrum capitularium voto,  
 præfigatur, quæ redditibus, eleemosynis, & obuentioni-  
 bus, vt superius, sufficienter ali possint. Ne verò Supe-  
 rio-



riores, qui id præstare debent, seriùs, aut remissiùs, quam par est, suo muneri satisfaciant, mandat SACR. CONGREGATIO vt infra annum post proximum Capitulum generale, vel prouinciale computandum, omnia hoc de genere capitulariter gesta, in authenticam formam redacta ad Sacram ipsam Congregationem Concilij singuli mittant, numerumque familiæ singulorum, Conuentuum, Monasteriorum, & Domorum huiusmodi regularium, Capituli, seu Congregationis generalis, vel prouincialis sententia, & auctoritate præfinitum, ijdem Superiores, tam Generales, & Prouinciales omnes, quàm locales perpetuò seruare omninò teneantur, nec possint illum quoque modo augere, etiam prætextu augmenti reddituum, absq; Sacræ ipsius Congregationis licentia. Superiores autem huiusmodi, qui prædicta omnia in præfixo termino non præstiterint, vel numerum, vt supra præscriptum quouis modo augere præsumpserint, priuationis omnium officiorum, quæ tunc temporis obtinebunt, vocisq; actiue, ac passiue, & ad omnia sue religionis officia, & gradus inhabilitatis perpetuam poenam eo ipso incurrere, atq; alijs etiam grauioribus à Sede Apostolica infligendis poenis Sac. Congreg. subiacere voluit, & declarauit.

Deinceps verò Monasterium, Cōuentus, Domus, cōgregatio, vel Societas Religiosorum, seu Regularium, nullibi recipiatur, nisi, præter alia ad id requisita, in singulis eiusmodi locis duodecim saltem Fratres, aut Monachi, seu Religiosi degere, & ex redditibus, & consuetis eleemosynis, detractis omnibus, vt supra detrahendis, competenter sustentari valeant, ad præscriptum decreti fel. record. Greg. XV. hac de re editi. Alioquin Monasteria, & loca huiusmodi post hac recipiēda, in quibus duo-

de-

decem Religiosi vt supra, sustentari, atque inhabitare, non poterunt, & actu non habitauerunt, Ordinarij loci visitationi, correctioni, atque omnimodæ iurisdictioni subiecta esse intelligantur.

Porro, ne vllò vnquâ tempore hæc in obliuionē, & defuerudinem habeant, Superiores locales cuiusq; Monasterij, Conuentus, ac Domus regularis, curare, atque scire teneantur sub pœna priuationis officij, vocisq; actus, & passus ipso facto incurrenda, vt in perpetuum, sexto quoque mense, idest feria secunda post primam Dominicam Aduentus, & feria sexta post Octauam Corporis Christi præsentēs ordinationes in publica mensa perlegantur. Omnibus tam Ecclesiasticis personis, cuiuscunq; sint ordinis, conditionis, & gradus, quam laicis quocunq; honore, ac potestate præditis, præsentia Decreta declarandi, vel interpretandi facultate penitus interdicta.

Non obstantibus quoad superscripta omnia, & singula in præsentibus Decretis contenta, Constitutionibus, & Ordinationibus Apostolicis, in fauorem, quarumcunque personarum, atque ordinum tam Mendicantium, quam non Mendicantium, Militiarum etiam S. Io. Hierosolymitani, Congregationum, Societatum, ac cuiuslibet alterius Instituti, etiam necessariò, & indiuiduò exprimendi, Ecclesiarum, Monasteriorum, Conuentuum, Collegiorum, Capitulorum, Hospitalium, Confraternitatum, & aliorum quorumcunque tam secularium, quam regularium locorum, necnon illorum, etiam iuramento, cõfirmatione Apostolica, vel quauis firmitate alia roboratis, statutis, & consuetudinibus, etiam immemorabilibus, priuilegijs quoque indultis, & literis Apostolicis, etiã Mari Magno, seu bulla aurea, aut aliàs nuncupatis, sub quibuscunque tenoribus, & formis, ac cum quibus-

uis

uis etiam derogatoriarum derogatorijs, alijsque efficacioribus, & insolitis clausulis, necnon irritantibus Decretis, etiam Motu proprio, & ex certa scientia, ac de Apostolicæ potestatis plenitudine, aut alias quomodo solibet etiam per viam Communicationis, seu extensionis concessis, & iteratis vicibus approbatis, & innouatis, etiamsi pro illorum sufficienti derogatione de illis, eorumque totis tenoribus, & formis specialis, & individua, ac de verbo ad verbum, non autem per clausulas generales mentio, seu quæuis alia expressio habenda aut aliqua alia exquisita forma seruanda esset, tenores huiusmodi, ac si de verbo ad verbum, nihil penitus omisso, & forma in illis tradita obseruata, inserti forent, præsentibus pro expressis habens, quibus quoad ea, quæ præsentibus aduersantur, illis, alijs in suo robore permanfuris, Sacra Congregatio, Sanctitatis Sux autoritate, & specialiter, & expressè derogat, cæterisque contrarijs quibuscunque.

Et ne præmissorum ignorantia à quoquam prætendi possit, voluit eadē SAC. CONGREG. vt præsentēs Ordinationes in valuis Basilicarum Sancti Ioannis Lateranensis, & Principis Apostolorum de Vrbe, ac in Acie Campi Florę, vt moris est, affixæ, omnes, ad quos pertinet, ita arcēt, & afficiant, ac si vnique personaliter intimatæ fuissent, Vtique earumdem præsentium transcriptis, etiam impressis, manu alicuius Notarij publici subscriptis, & sigillo personæ in dignitate Ecclesiastica constitutę munitis, eadem prorsus fides adhibeatur, quę præsentibus adhiberetur, si forent exhibitæ, vel ostentæ.

Datum Romę die 21. Iunij 1625.

Cosmus Cardinalis de Torres.

Locus † Sigilli.

Prosper Fagnanus Sacr. Congr. Secr.



Anno D. N. Iesu Christi M. DC. XXV. Indictione octa-  
ua, Pontificatus autem in Christo Patris & D. N. D.  
Vrbani Diuina providentia Pape VIII. Anno eius  
III. die verò 22 mensis Septembris, suprascripta De-  
creta affixa, & publicata fuerunt, ad valuas Basili-  
carum S. Io. Lateranensis, & Principis Apostolorum  
de Vrbe, ac in acie Campi Floræ, ut moris est, per  
nos Camillum Fundatum, & Fabium Emilianum  
S. D. N. Papa Curs.

Brandimartes Latinus Pralibati S. D. N. Papæ, ac S.  
Rom & Vniuersalis Inquisitionis Curs. pro Mag.  
DD. Curs.

## DECLARATIONES ALIQVOT Sacræ Congreg. Concilij S. D. N. Vr- bani PP. VIII. auctoritate edita super Decretis eiusdem Congr. de Ce- lebratione Missarum.

**S**Vper primo Sacræ Congregationis Decreto, de ce-  
lebratione Missarum, quo prohibetur, ne Episco-  
pi in diocesana Synodo, aut Generales in capi-  
tulis Generalibus, vel alias quoquomodo reducant one-  
ra vlla Missarum celebrandarum, aut post idem Conci-  
lium imposita, aut in limine foundationis

Queritur, quid si legatum sit ita tenuè, ut non sit, qui  
velint onus illi iniunctum subire, & si recurrendum sit ad  
Sedem Apostolicam pro moderatione oneris, totum, aut  
ferè totum in sumendū sit pro expēlis ad id necessarijs?

Et

Et quid, si permittatur Episcopo in fundatione, ut possit huiusmodi onera moderari?

Secundò, super secundo eiusdè Congregationis Decreto, quo cauetur, ut celebrentur tot Missæ, quot ad rationem tributæ eleemosynæ præscriptæ fuerint.

Quæritur, an verba illa ( præscriptæ fuerint ) intelligenda sint de præscriptione facta ab offerente, vel ab Ordinario?

Tertiò, an cum Ordinarius præscripserit eleemosynam congruam iuxta qualitatem loci, personarum, & temporum, Sacerdotes accipientes stipendium minus congruo, teneantur Missas illis ab offerente præscriptas celebrare?

Quartò, an Sacerdotes, qui tenentur Missas celebrare ratione beneficii, seù cappellæ, legati, aut salarii, possint etiam manualementem eleemosynam, pro Missis votiuis, aut defunctorum, recipere, & vnico Missæ sacrificio vtrique oneri satisfacere?

Quinto, posito, quòd Testator relinquat, ut celebrètur pro eius anima centum Missæ, absque vlla præscriptione eleemosynæ, quæritur, an liberum sit hæredibus eleemosynam sibi benè visam præscribere, an verò eadem eleemosyna præscribenda sit ab Ordinario?

Sextò, super tertio Congregationis Decreto, in quo eadem Congreg. reuocat Priuilegia, quibus indulgetur, ut certarum Missarum, vel anniuersariorum celebratione aut aliquibus collectis, seù orationibus, pluriùm Missarum oneribus in futurum suscipiendis satisfiat.

Quæritur, An verba ( in futurum suscipiendis ) intelligenda sint de oneribus suscipiendis post priuilegium?

Septimò, super quarto eiusdem Congreg. Decreto, quo prohibetur Sacerdoti, qui missam suscepit celebrandam

cū certa eleemosyna, ne eādem Missam alteri, parte eiusdem eleemosynæ, sibi retenta, celebrandam committat.

Quæritur, An permittendum sit administratoribus Eccl. vt retineant aliquam eleemosynarum portionem pro expensis manutentionis Ecclesiæ, Altarium, inservientium, paramentorum, luminum, vini, hostiæ, & similia.

Octauò, An hoc Decretum habeat locum in beneficijs, quæ conferuntur in titulum, id est, An Rector Beneficii qui potest per alium celebrare, teneatur Sacerdoti celebranti dare stipendium ad rationem reddituum Beneficii?

Decimò, An Sacerdotes, quibus aliquando offertur eleemosyna maior solita pro celebratione Missæ, debeant dare eandem integram eleemosynam ijs, quibus Missas celebrandas committunt; An verò satis sit, vt dent celebrantibus eleemosynam consuetam?

Vndecimò, super quinto eiusdem Congregationis Decreto, quo inter cetera statuitur in hæc verba (eleemosynas verò manuales, & quotidianas pro Missis celebrandis) ita demum ijsdem accipere possint, si oneribus antea impositis ita satisfecerint, vt noua quoque onera obire valeant; Alioquin omninò abstineant ab huiusmodi eleemosynis; etiam spontè oblati, in futurum recipiendis, & capsulas auferant, &c.

Quæritur, An hoc Decretum prohibeat absolutè, quò minus accipiant nouas eleemosynas ij, qui acceptis non satisfecerunt, & quid si congruo tempore possint omnibus satisfacere?

Duodecimò, quid, si offerens eleemosynas, audito impedimento, consentiat, vt Sacerdos Missam celebret cum primum poterit?

De



**Decimotertiò, An poena interdicti, & aliæ appositæ in eodem Decreto afficiant, tam eos, qui accipiunt elemosynas contra formam ibi præscriptam, quàm eos, qui non auferunt capsulas ab Ecclesijs, vt ibi dem præcipitur?**

**Decimoquartò, An in hoc Decreto cõprehendantur illæ capsulæ, quæ apponi solent in Ecclesijs in die commemorationis omnium Sanctorum, & vulgò dicuntur (cassæ de Morti.)**

**Decimoquintò, An Administratores Ecclesiæ magnæ deuotionis, & concursus possint elemosynas pro Missis celebrandis accipere, si ijsdem Missis nonnisi post longũ tempus satisfacere valeant, ne aliàs cultus Eccl. & deuotio, ac concursus fidelium, vt aiunt, minuantur?**

**Decimosexto, quia prohibitio dicti Decreti videtur aliquibus directâ solum Capitulis, Collegijs, Societatibus, Congregationibus, necnõ omnibus, & singulis Ecclesiarum, & Piorum locorum, tam sæcularium, quàm regularium Superioribus, de quibus fit expressa mentio, nõ autem priuatis Sacerdotibus, qui tamen comprehendi videntur sub clausula generali (& alijs, ad quos pertinet) supplicatur pro opportuna declaratione?**

**Decimoseptimò, super septimo eiusdem Sacræ Cõgr. Decreto, quo cauetur, vt in singulis Monasterijs Religiosorum præfigatur numerus, qui ex consuetis redditibus, aut elemosynis commodè possint sustentari.**

**Quæritur, an vbi hæc præfixio facta iam fuit in vim similis decreti sanct. me. Pauli V. absque tamen computatione reddituũ cuiusq; Religiosi, sit denuò faciendâ, necne.**

**Decimo octauo, an Nouitij, ad habitum Regulare admissi, possint admitti ad professionem in Monasterijs, in quibus habita, vt supra præfixione numeri, commodè ali non possunt?**

Decimononò, super ultimo, quo cauetur, vt nullibi recipiantur Conuentus Regularium, nisi præter alia ad id requisita, duodecim saltèm Fratres in eis degere, & cõpetenter sustentari valeant, ita vt aliòquin subsint iurisdictioni Ordinarii.

Quæritur, an hoc Decretum, quod videtur editum in Ordine ad celebrat. Missarum, comprehendat, eas Religiones, quæ non consueuerunt onera Missarum recipere, vt sunt Religiones Capuccinorũ, ac Societatis IESV?

Vltimò an idem Decretum, vbi disponit, vt nullibi recipiãtur Monasteria, nisi &c. habeat locum in Italia dũtaxat, ad quam est restrictum Decretum proximè antecedens, an verò etiam extrà Italiam?

**S**Acra congregatio Cardinalium Concilij Tridentini Interpretum, autoritate sibi à Sãctiss. D.N. attributa, ad singula dubia superiùs proposita ad hunc modum respondit, videlicet.

Ad primũ, & si legatum sit adeò tenue, nihilominus, pro reductione oneris, vt supra, impositi, ab ijs, ad quos pertinet, Sedem Apostolicam esse adeundam, quæ abiq; vlla impensa id statuet, quod magis in Domino interesse iudicauerit; Verũtamen si in ipsa beneficij erectione expressè cautum fuerit, vt liceat Episcopo iniunctum onus reducere, ac moderari legẽ hanc foundationis, quàm Decreta hac de re edita non sustulerunt, esse validam, & obseruandam.

Ad secundum, esse intelligenda de præscriptione facta ab eo, qui eleemosynam tribuit, nõ autem ab Ordinario. Quod si tribuens eleemosynam numerum Missarum celebrandarũ non præscripserit, tunc tot Missas celebrari debere, quot præscripserit Ordinarius secundum

mo;

morem suæ Ciuitatis, vel Prouinciæ.

Ad Tertium; teneri.

Ad quartum, Sacerdotes quibus diebus tenentur Missas celebrare ratione beneficij, seu capellæ, legati, aut salarij, si eleemosynas pro alijs etiam Missis celebrandis susceperint, non posse eadem Missa virique obligationi satisfacere.

Ad quintum, censuit, vbi nullam certam eleemosynam testator reliquit, esse ab Episcopo præscribendam eleemosynam congruam, quæ respondeat oneribus Missarum celebrandarum secundum morem Ciuitatis, vel Prouinciæ.

Ad sextum, ita esse intelligenda.

Ad septimum, respondit, permittendum non esse, vt Ecclesiæ, ac loca pia, seu illorum Administratores, ex eleemosynis Missarum celebrandarum vllam, vtcunque minimam portionem retineant ratione expensarum, quas subeunt in Missarum celebratione, nisi cum Ecclesiæ, & loca ipsa alios non habent redditus, quos in vsum earumdem expensarum erogare licitè possint, & tunc, quam portionem retinebunt, nullatenus debere excedere valorem expensarum, quæ pro ipsomet tantum Missæ sacrificio necessario sunt subeundæ, & nihilominus eo etiam casu curandum esse, vt ex pecunijs, quæ supersunt, expensis vt supra deductis, absolutè tot Missæ celebrentur, quot præscriptæ fuerint ab offerentibus eleemosynas.

Ad Octauum non habere locum, sed satis esse, vt Receptor beneficij, qui potest Missam per alium celebrare, tribuat Sacerdoti celebranti eleemosynam congruam, secundum morem Ciuitatis, vel Prouinciæ, nisi in fundatione ipsius beneficij aliud cautum fuerit.

Ad



Ad Decimum, debere absolutè integram eleemosynā tribuere Sacerdoti celebranti, nec vllam illius partem sibi retinere posse.

Ad Vndecimū, respondit, nō prohibere absolutè: Ac propterea, & si oneribus iā susceptis satis fecerint, posse tamen noua etiā onera suscipere Missarū celebrandarum, dūmodò infra modicū tēpus possint omnibus satisfacere.

Ad Duodecimum, quamuis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione, id sciat, & consentiat, vt ille tunc demum celebrentur, cū susceptis oneribus satisfactum fuerit, Decretum non prohibere, quo minus eo casu eleemosyna accipiatur pro iisdem Missis iuxta Benefactoris consensum celebrandis.

Ad Decimum tertium, has pœnas non habere locum, nisi in suscipientibus onera perpetua Missarum celebrandarum sine licentia Episcopi, vel eius Generalis Vicarij, aut Generalis, vel Prouincialis.

Ad Decimum quartum, comprehendì.

Ad Decimum quintum, non posse, nisi de consensu eorum, qui eleemosynas tribuunt, vt supra in responsione ad Duodecimum.

Ad Decimū sextū, cōprehēdi etiā priuatos Sacerdotes.

Ad Decimū septimū, numeri præfixionem esse iterū faciendam seruata forma vltimi Decreti hac de re editi.

Ad Decimū octauum, esse admittēdos ad professionem, si alias habiles existant, ac deindè in aliquo alio Monasterio eiusdem Religionis esse collocandos, vbi commodè ali possint.

Ad Decimū nonum, censuit comprehendere.

Ad Vltimum, habere locum etiam extra Italiam.

Cosmus Card. de Torres.

Locus † Sigilli.

Prosper Fagnanus S. Congreg. Secr.

DE

# DECRETA

S. Congregationis Concilij,

SANCTISSIMI D. N. VRBANI  
P A P Æ VIII.

Iussu edita.

De Regularibus Apostatis, & Eiectis.



Acra Congregatio Cardinalium Concilij Tridentini Interpretum, Regularium eiectionum, & fugitiuorum statui consulere, illorumque scandala summouere, & succrescentem numerum frangere opere primum existimans, auditis Religionum Superioribus, reque diligentissime perpensa, communicato etiam consilio cum S. D. N. VRBANO VIII. atque ex peculiari Sanctitatis Suae facultate, infra scripta decreta edidit.

Ac primò, vt infecta semina, è quibus prauì eiusmodi fructus porrissimum, prodeunt, deinceps nè serantur in vinea Domini censuit, esse innouandas, & Sanctissimi authoritate innouat Constitutiones, & Decreta generalia sanct. me. Clementis VIII. ad Regularium reformationem, ac Nouitiorum receptionem, professionem, atque institutionem spectantia, districtèque præcipit Generalibus, atque alijs omnibus Ordinum Superioribus,

bus, vt illa exactè obseruent, atque, vt obseruentur efficiant sub pœnis statutis in iisdem Constitutionibus, à quibus tamen excipiendum censuit, caput illud, quò decernitur, ne in Conuentibus, seu Monasterijs ad Nouitios recipiendos hætenus designatis, & approbatis, seu in posterum designandis, & approbandis, Nouitij ad habitum vllatenus recipi possint, nisi prius à congregatione Reformationis Apostolicæ, vel à proprijs locorum Ordinarijs expressè, & nominatim approbati fuerint. A cuius quidem decreti obseruatione Sacra Congregatio iustis de causis censuit Regulares esse absoluedos, prout, auctoritate Sanctissimi Domini Nostri, absoluit, atque exemit.

Deindè, vt apostatandi opportunitas Regularibus præripiatur, statuit, vt de cætero nullus permittatur ad arctiorem Religionem transire, nisi prius Superiori legitime constiterit, eam Religionem paratam esse illum recipere, qui licentiam petit, tumque regularis directè se transferat ad arctiorem. Quod vt re ipsa adimpleatur, idem Superior omni studio, ac diligentia inuigilet.

Rursus statuit, vt fugitini, & Apostatæ, siue habitum regularem deferant, siue non, possint, ac debeant ab Episcopo loci, vbi moram trahunt, in carceres conijci, ac Superioribus Regularibus consignari, secundum regularia instituta puniendi, vtque ipsi quoque Superiores teneantur eos perquirere, ad Religionem reducere, atque efficere, vt apprehendantur, salua tamen in omnibus facultate Ordinarijs locorum attributa decreto Concil. cap. 3. sess. 6. Quod si Apostatæ huiusmodi citra montes infra quatuor, ultra montes verò infra octo menses à præsentis Decreti publicatione inchoandos, sua spontè ad suam quisque Religionem redierit, tunc pœ-

na.



narum omnium ipsis propter Apostasiam inflictarum, aut infligendarum, remissionem, atque impunitatem assequantur. Ita tamen, ut debeant à Superiore absoluti-  
nem humiliter petere, & coram eo culpam fateri, atque emendationem polliceri: Superior verò è contra benignè illos teneatur excipere, ab huiusmodi poenis absolvere, & paterna charitate complecti.

Ad hæc, ut in posterû è Religionibus nullus legitimè professus ejici possit, nisi sit verè incorrigibilis; verè autem incorrigibilis minimè censeatur, nisi nō solū concurrant ea omnia, quæ ad hoc ex iuris communis dispositione requiruntur, sublati hac in parte Statutis, & Constitutionibus cuiusque Religionis, & Ordinis, etiam à Sede Apostolica approbatis, & confirmatis: verum etiam vnius anni spatio in ieiunio, & poenitentia probe-  
tur in carceribus; proindeque vnaquæque Religio priuatos habeat carceres in qualibet saltem Prouincia. Elapso autem anno si nihilominus non resipuerit, sed animo indurato in sua peruicacia perseuerauerit: ne contagione pestifera plurimos perdat, tanquam pecus mor-  
bida, ac membrum putre ejici tandem possit, sed ab ipso met Generali tantum de consilio, & assensu sex Patrum ex grauioribus Religionis eligendis in singulis Capitulis, vel Congregationibus generalibus; tumque nonnisi instructo secundum eorum stylum, & Constitutiones, processu, & plenè probatis causis expulsionis ad Sacrorum Canonum præscriptum. Interea tamen vsque ad primum generale Capitulum, seu Congregationem proximè celebrandam, si quempiam ex iustis, & necessarijs causis expellere oportebit, electio fieri possit à Generali cum consilio, & assensu sex Patrum, ut supra, quos idemmet Generalis eligere debeat infra quatuor men-

ses à præsentis Decreti publicatione; seruata tamen in reliquis forma superiùs præscripta. Sic verò eiekti, quandiù non redierint, ad Religionem, in habitu clericali incedant, atque Ordinarij loci iurisdictioni, & obedientiæ subsint, proindeque Generalis illicò expulsiõis sententiam eidem Ordinario notificare teneatur. Cæterum Sacra Congregatio Religionum Superiores seriò admonet, ac per IESV CHRISTI viscera obtestatur, vt memores paternæ charitatis, & mansuetudinis, quem profitentur, nihil intentatum relinquant, vt lucrentur animas fratrum suorum ferè in profundum malorum delapsas, antequam grauiissimum, atque extremum expulsiõis remedium experiantur. Idque eò magis, quod subditorum sanguinem, qui ex malo negligentium, & sui officij, immemororum Prælatorum regimine peribunt, Dominus Noster IESVS CHRISTVS in supremo Dei iudicio de eorumdem Prælatorum manibus sit requisiturus.

Præterea statuit, vt iidem Superiores nemini ex Religiosis expulsis literas testimoniales concedant, illos ad Sedem Apostolicam reijcientes, vel iubentes aliam ingredi Religionem.

Item, vt eiekti extra Religionem degentes sint perpetuò suspensi ab exercitio Ordinum, sublata Ordinarijs locorum facultate dictam suspensionem relaxandi, aut moderandi.

Ac postremò esse innouandam, & suæ Beatitudinis auctoritate innouat Constitutionem fel. record. Gregorij Noni relata in cap. fin. de regul. ac propterea declarat, eam Constitutionem in ijs quoque vindicare sibi locum, seruandumque esse, qui iustè, definitiuèque, ac iuris ordine feruò ito expulsi fuerint; dummodò tamen in expulsis huiusmodi subsit spes euidentis emendationis ex literis

sal.

saltem testimonialibus Ordinarij, cuius conscientiam in his literis concedendis Sacra Congregatio seriò oneravit.

Ne qua verò difficultas in superscriptis decretis, & ordinationibus exequendis suboriat, Sacra Cōgregatio, Sanctissimo Domino Nostro annuente, atque approbante, vniuersis Generalibus, Prouincialibus, Commissarijs, Ministris, Præsidentibus, Abbatibus, Prioribus, Præpositis, Guardianis, Vicarijs, & quibuscunque alijs Superioribus quorumcunque Ordinum, vel Congregationum, Monasteriorum, Conuentuum, Collegiorum, Domorum, ac locorum Regularium vbique locorum existèntium iniungit, seriòque mandat, vt illa diligenter obseruent, atque obseruari procurent in omnibus Coenobijs, ac Monasterijs, Collegijs, ac Domibus quorumcunque Monachorum, ac Regularium vbique locorum existentibus, efficiantque vt tam Decreta supradicta fel. rec. Clementis VIII. quàm præsentis Ordinationes in singulis eiusmodi locis bis saltem in anno legantur in publica mensa.

Si quis verò ipsorum aduersus ea, quæ superius præscripta sunt, vel eorum aliquid, quoquomodo facere, vel moliri præsumpserit, ipso facto poenam incurrat priuationis omnium officiorum, quæ tunc obtrinebit, vocisq; actiuae, & passivæ, ac perpetuæ inhabilitatis ab illa in posterum obtinenda, poenæque huiusmodi sit Sanctitati Suæ, ac Sedi Apostolicæ reservata: ipsidem Superioribus etiam Generalibus, & Protectoribus illam moderandi, seu relaxandi potestate penitus interdicta, & nihilominus sit irritum, & inane quicquid secùs, à quoquâ actum extiterit. Non obstantibus Constitutionibus, & ordinationibus Apostolicis in fauorem quarumcunque personarum, atque Ordinum, tam Mendicantium, quàm



non Mendicantium, Congregationum, Monasteriorum, Conuentuum, Domorum, ac locorum Regularium quorumcunque, necnon illorum etiam iuramento, confirmatione Apostolica, vel quauis firmitate alia roboratis statutis, vel consuetudinibus, etiam immemorabilibus, exemptionibus quoque indultis, & privilegijs, etiam in corpore iuris clausis, aut ex causa, vel titulo oneroso, vel in limine foundationis concessis, etiam Mari Magno, seu Bulla aurea, aut alias nuncupatis, sub quibuscunque tenoribus, & formis, & cum quibuluis etiam derogatoriis derogatorijs, alijsque efficacioribus, & insolitis clausulis, necnon irritantibus decretis, etiam Motu proprio, & ex certa scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis concessis, & iteratis vicibus approbatis, & innouatis, etiam si pro illorum, sufficienti derogatione de illis, eorumque totis tenoribus, & formis specialis, & indiuidua, ac de verbo ad verbum, non autem per clausulas generales idem importantes, mentio, seu quæuis alia expressio habenda, aut aliqua alia exquisita forma seruanda esset; tenores huiusmodi, ac si de verbo ad verbum, nihil penitus omisso, & forma in illis tradita obseruata, inseri forent, presentibus pro expressis habens, quibus quod ad ea, quæ supradictis quomodolibet aduerlantur, illis aliàs in suo robore permanens, specialiter, & expressè Sanctitatis suæ autoritate, derogat, cæterisque contrarijs quibuscunque. Dat. Romæ die 21: Septembris 1624.

C. Cardinalis Torres.

Locus † Sigilli.

Prosper Fagnanus Sac. Congr. Secr.

DE

## DECRETA GENERALIA

Fel. rec. Clementis Papæ VIII.

Ad Regularium reformationem, ac Nouitiorum receptionem, professionem, atque institutionem spectantia aliàs facta, & publicata.

*De Nouitijs ad habitum Regularem, & professionem non admittendis, nisi in Conuentibus designandis.*

## CLEMENTS PAPA VIII.

**R**egularis disciplinæ restitutioni, pro qua potissimum iuxta nostri muneris debitum laborare non desistimus, illud in primis magnum impedimentum afferre quotidiano vsu compertum est, quòd in omnibus Conuentibus, ijs præsertim, qui maiori reformatione indigent, singuli ad Religionem venientes, passim recipiuntur; Vnde fit, vt quò magis Nos varijs constitutionibus malè affectas radices amputare studeamus: eo magis in dies deprauata, infructuosaque eiusmodi nouiter profitentium germina succrescât. Cui quidem malo occurrere volentes, præsentì Decreto statuimus, districtèque præcipimus omnibus Generalibus, Prouincialibus, Commissariis, Ministris, cæterisque Superioribus Conuentuum intra Italix, & Insularum adiacentium fines existentium quibuscunque, & quorumcunque Ordinum Mendicantium, vt de cætero neminem sub quouis prætextu, aut colore ad habitum regu-

larem admittant, nisi in Conuentibus auctoritate nostra propediem in vnaquaque Præuincia designâdis. Insuper sancimus, vt quoad eiusmodi Conuentus, vt præfertur, per Nos deputati non fuerint: omnes præfatorum Ordinum Superiores à receptione quorumcunque Nouitiorum, siuè ad habitum, siuè ad professionem omninò abstineant. Superior, qui huius Decreti transgressor extiterit, ipso facto pœnam priuationis omnium officiorum, quæ tunc obtinebit, vocisque actiue, & perpetuæ inhabilitatis ad alia imposterum obtinenda, se nouerit incurrisse, ac alijs, etiam pœnis arbitrio nostro subiaceat. Receptiones verò, & professiones quascumque eorum, qui contra huiusmodi Decretum nostrum admissi fuerint, nullas, & irritas ex nunc decernimus, & declaramus. Priuilegijs, Statutis, & consuetudinibus quibuscunque in contrarium minimè obstantibus. Dat. Romæ die 12. Martij 1596.

### Renouatio, & ampliatio eiusdem Decreti.

*De Nouitijs ad habitum Regularem non recipiendis, nisi in Monasterijs, & locis designandis.*

**S**ANCTISSIMUS in Christo Pater, & Dominus Noster D. Clemens Diuina prauidentia Papa VIII. cum iam dudum animaduertetet collapsæ Regularis disciplinæ restitutioni, pro qua potissimum, iuxta sui muneris debitum, vigilare, ac laborare non desistit, illud in primis magnum impedimentum asferre, quòd in omnibus Monasterijs, & Conuentibus, ijsque præsertim, qui maiori indigent reformatione, singuli ad Religionem profitendam accedentes, passim, ac sine delectu recipi-



untur, ac indè fieri, vt quo magis varijs constitutionibus malè affectas radices euellere studet, eò magis infru-  
 stuosa nouiter profitentium germina quotidie succres-  
 cant: cumque ob zelum, ac desiderium, quo tenetur  
 Sanctitas Sua omnes Regulares ad vetus suæ cuiusque  
 Religionis institutum redigendi, districtè prohibuerit,  
 ne quis incertis Monachorum, & Mendicantium Ordini-  
 bus ad suscipiendum habitum Religionis admitteretur  
 profiteretur, quousque Monasteria, & Conuentus  
 aliquot destinarentur, in quibus posset commodius Re-  
 gularis obseruantia, secundum reformationem à San-  
 ctitate Sua institutam introduci: Quia tamen non ob-  
 stante talis prohibitione, cognouit, nonnullos fuisse, vel  
 sub colore facultatis, & licentiæ à Sanctitate Sua obten-  
 tæ, vel quia talis prohibitio ad illorum notitiam non per-  
 uenerit, receptos, & admissos, præter mentis suæ sensum:  
 Idcirco huic malo prospicere volens, ne licentiarum, ac  
 facultatum huiusmodi subreptione, ac prætextu, Decre-  
 tum Sanctitatis Suæ irritum reddatur; Nunc denuò di-  
 strictè præcipit, ac mandat omnibus Generalibus, Pro-  
 uincialibus, Commissarijs, Ministris, Præsidentibus, Ab-  
 batibus, Prioribus, Guardianis quibuscunque cæteris-  
 que Superioribus, Conuentuum, Monasteriorum, ac  
 Domorum quocunque nomine appellentur, intra Ita-  
 liam, & Insularum adiacentium fines existentium, quo-  
 rumcunque Ordinum Mendicantium, & non Mendi-  
 cantium, (exceptis tamen Carthusianorum, Fratrum  
 Minorum de strictiori obseruantia, necnon Capuccino-  
 rum Sancti Francisci, Reformatorum Sancti Dominici,  
 Discalceatorum Ordinis Carmelitarum, necnon Fra-  
 trum Congregationis Fulienfis, Cisterciensis Ordinis,  
 ac Eremitarum Eremiti Camaldulensis, & Montis Coro-  
 næ.

ne. Clericorum Regularium Theatinorum, Societatis IESV, Sancti Pauli Decollati, & aliorum de Somascha, Ministrorum, Infirmorum, respectiue Ordinibus, Societatibus, seu Congregationibus nuncupatis, quæ etiam antea exceperat, & nunc iterum excipiendo, voluit prohibitionem hanc ad illa nullo modo extendi) Ne sub cuiusvis licentiæ & facultatis impetratæ vel impetrandæ obtentu, nisi per litteras in forma Breuis dumtaxat, & non aliàs quemquam ad habitum Regularem suscipiendum, nec etiam conuersos, nisi in Conuentibus, Monasterijs, & Domibus, auctoritate eiusdem S. D. N. propediem in vnaquaque Prouincia designandis, recipere, aut receptos ad professionem admittere vlllo modo audeant. Quinimò contra primam prohibitionem Sanctitatis Sux receptos, etiam si imperfectum habitum, aut sine caputio gerant, post præsentis Decreti in Romana Curia publicationem, omninò eijcere debeant.

Superiorem autem, qui huius Decreti transgressor extiterit, ipso facto pœnam priuationis omnium officiorum, quæ tunc obtinebit, vocis actiue, & passiuæ, & perpetuæ inhabilitatis ad alia impofterum obtinenda, eo ipso incurrere voluit, ac decreuit, & alijs etiam pœnis arbitrio Sanctitatis Sux imponendis subiacere.

Receptiones verò, & professiones quaslibet eorum, qui contra huiusmodi Decretum admissi fuerint, nullas, & irritas esse ad quemcunque effectum, ex nunc decernit, & declarat.

Hoc autem Decretum noluit Sanctitas Sua eos Ordines comprehendere, qui Conuentus, Domos, & Monasteria à se probata pro Nouitiorum receptione, & educatione, hætenus permissione sua constituerit,

Cæteras verò licentias, siuè particulares, quæ in hanc  
diem

dic in effectum non sunt sortitæ, reuocat, & annullat.

-01 Vult autem Decretum. hoc suum in solitis locis Urbis publicatum ita prædictorum singulos afficere, ac si cuiuslibet personaliter fuisset intimatum, Priuilegijs, Statutis, & Constitutionibus quibuscunque in contrarium minime obstantibus.

-02 Datum Romæ apud Sanctum Marcum, Die xx. Mensis Iunij. M. D. X C I X.

Decreta pro Reformatione Regularium, tam Monachorum, quam Mendicantium cuiuscunque Ordinis, & Instituti.

CLEMENS PAPA VIII.

3 **N** Vllus omninò prætextu cuiuscunque priuilegij, vel superioritatis, etiam Generalatus, seu seruitio chori censeatur immunis, nisi pro tempore, quo quis in proprii officij munere actu fuerit occupatus. Cum Lectoribus autem, & Prædicatoribus Superiores ijs tantum diebus, quibus eos legere, aut prædicare contigerit, dispensare possint; Idem quoque præstare valeant cum ægrotis, & studiorum causa legitime impeditis. In eos verò, qui negligentes, aut inobedientes fuerint, salutari penitentia Superiores animaduertant ad præscriptum Regularæ, & Constitutionum, alimenti etiam, si opus fuerit, subtractione.

Lectio Sacræ Scripturæ, vel Casuum conscientiarum bis in hebdomada præscriptis diebus in singulis Mo-



asterijs, & Conuentibus habeatur, ad quam fratres omnes conueniant, eaque absoluta, inmutua collatione circa explicatam doctrinam se se uiliter exercent.

Quod Tridentini Concilij Decreta de Paupertatis voto custodiendo fidelitus obseruentur; Præcipitur, ut nullus ex fratribus, etiam si Superior sit, bona immobilia, vel mobilia, aut pecuniam, prouenus, census, eleemosynas, siue ex concionibus, siue ex lectionibus, aut pro Missis, tam in propria Ecclesia, quam ubicunque celebrandis, alioque ipsorum iusto labore, & causa, & quocunque nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit, sed ea omnia statim superiori tradantur, & Conuentui incorporentur, atque cum cæteris illius bonis, redditibus, pecunijs, ac prouentibus confundantur, quò communis inde victus, & vestitus omnibus suppeditari possit.

Neque Superioribus, quicunque illi sint, villo pacto liceat, eisdem fratribus, aut eorum alicui bona stabilia, etiam ad vsumfructum, vel vsum, administrationem, aut commendam, etiam depositi, aut custodiz nomine concedere.

Eorum verò, quæ ad necessitatem concessa erunt, nullus quicquam possideat, ut proprium, neque ut proprio utatur.

Qui in præmissorum aliquo deliquerit, penas, nedum à Concilio Tridentino præscriptas, sed alias quoque multò grauiores, superiorum arbitrio imponendas, incurrat.

Nulla quorumcunque superiorum dispensatio, dul-

la licentia, quantum ad bona immobilia, vel mobilia  
fratres excolare possit, quo minus culpæ, & peccatæ ab  
eiusdem Concilij Decretis impositæ, & ipso facto in-  
currendæ, obnoxij sint, etiam siq̃ Superiores assue-  
rent huiusmodi dispensationes, aut licentias conde-  
dere posse, quibus in ea re fidem minimè adhiberi  
volumus.

8. Fratrum vestitus, & supellex cellarum, ex commu-  
ni pecunia comparetur, & omninò vniformis sit fra-  
trum, & quorumcunque Superiorum, statuique pau-  
pertatis, quam professi sunt, conueniat: ita vt nihil  
superflui admittatur; nihil etiam, quod sit necessari-  
um, alicui denegetur.

9. Quæcunque fratrum vestes, siue laneæ, siue lineæ,  
omnisque alia suppellex in aliquem commodum  
Conuentus locum deferantur, ibique ab vno, vel  
duobus fratribus huic muneri deputatis diligenter  
custodiantur, vt inde Superioris arbitrio, prout vni-  
cuique opus fuerit, subministrari opportunè possint.

10. Omnes etiam superiores, quicunque illi sint, eodem  
et pane, eodem vino, eodemque obsonio, siue eadem  
(vt aiunt) pitantia, in comuni mensa prima, vel se-  
cunda, nisi infirmitatis causa impediri fuerint, ves-  
cantur; neque singulare aliquid, quo priuatim quis-  
que in cibum vtatur, vllò modo afferri possit. Si quis  
in ea re peccauerit, nihil ex die alimentum percipiat,  
nisi panem, & aquam.

11. Superiores omnes, etiam Generalis, qui redditus, aut  
præstationes peculiares ratione officiorum habent,  
eorum accepta, & expensa in libro distincto fideliter,  
& diligenter adnotari curent, neque in alios vsus,  
quam ratione o sit iur. hoc. curios, que quam ex-

pendant: Cum verò contrigerit ipsos in aliquo Con-  
 uentu commoratis, eam pecuniæ quantitatem in cõ-  
 mune conferant, ex qua sibi, & ijs, qui secum erunt,  
 victus ad præscriptum Regulæ, & Constitutionum,  
 suppetitur.

12. Nullus ex Superioribus locorum, administratio-  
 nem bonorum, aut aliarum rerum, dispensationemq;  
 pecuniarum, & reddituum sui Conuentus, etiam ho-  
 mine conuentus, per se ipsum habere, sive exercere  
 possit; sed vniuersum id onus tribus fratribus eiusdem  
 Conuentus à Generali ita demandetur, vt vnus re-  
 rum, & bonorum, reddituumque colligendorum, ac  
 exigendorum curam habeat; alter tanquam Deposi-  
 tarius, pecunias, ac cætera ab illo collecta, & exa-  
 cta fideliter asseruet; alius de pecunijs, & rebus à De-  
 positario acceptis Priori, & fratribus, ac Conuentui  
 vniuerso de necessarijs, mandante tamen ipso Priore,  
 non secundum proprium affectum, sed iuxta charita-  
 tis regulam, veluti bonus dispensator provideat; offi-  
 ciorum huiusmodi confusione penitus interdicta.

13. Caterum hi tres tam impensi, quàm accepti singulis  
 mensibus Superiori locali adhibitis etiam duobus, vel  
 tribus fratribus eiusdem Conuentus probatoribus,  
 rerumque usu peritis, rationem reddant. Deinde ipsi  
 met rursus, præsentibus Priore, & Peritis prædictis,  
 Generali, cum adueherint: denique ipse Generalis,  
 in quolibet proximo Capitulo Generali saltem co-  
 ram tribus iudicibus, ab ipso Capitulo ad hoc consti-  
 tutis illorum omnium, vniuersamque suæ administra-  
 tionis tam publicæ, quàm priuatae rationem reddere  
 teneatur, cuius etiam exemplum autenticum ex actis  
 Capituli describatur, ad hoc, vt ad omne mandatum



nostrum, vel Sedis Apostolicæ Romam transmitti possit.

14 In vno quoque Conuentu, fratrum is tantum deinceps constituatur, & in posterum retineatur numerus, qui ex redditibus illius proprijs, vel ex communibus consuetis, vel etiam singulorum elemosynis, alijsque quibuscunque obuentionibus in commune (vt præfertur) conferendis, commodè possit sustentari: redditus verò, & supradicta omnia in communi loco, ac tuto diligenter asserventur.

15 Superioribus autem, ne Concilij Tridentini, aut hæc nostra Decreta declarare, interpretari, aut relaxare vlllo modo possint, omnino interdiciamus, & prohibemus, decernentes irritum, &c. si quis autem contra præsumpserit attentare, is eo ipso omni gradu, officioque priuatus, & ad ea perpetuò inhabilis existat.

16 Nullus nisi actu legat, vel prædicet, aliquo sui gradus privilegio gaudeat.

17 Si alicui ex necessaria causa, Generalis iudicio probanda, socius ex eodem ordine, qui illi ministret, concedendus erit, is nisi vigesimum quintum agat annum, & qui communi seruitio sit deputatus, non concedatur, & si commodè fieri potest, sit Laicus Conuersus.

18 Vt omnis scandalorum, & vagationis occasio tollatur, Conuentus clausura perpetuò, ac diligenter seruetur, ac propterea à Superiore Ianitor constituatur, qui diligentia, ac morum integritate maximè commenderetur: is ianux custodiendæ semper assistat, eaque nemini fratrum aperiat, nisi socium, & exeundi licentiam obtinuerit.

- 19 Nullus à Conuentu egredi audeat, nisi ex causa, & cum socio, licentiaque singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumque exituro adiungat, non petentis rogatu, sed arbitrio suo, neque eundem saepius. Licentię verò generales exeundi, nulli omnino concedantur.
- 20 Contrauenientes autem poena graui, etiam carceris ad Superioris arbitrium plectantur, eandem etiam lanitor subeat, si sciens exeundi facultatem fecerit.
- 21 Cum autem quis in Conuentum reuertitur, Superiorem iterum adibit, benedictionem recepturus, qui à socio itineris rationem, & quid rei actum sit, diligenter perquirat.
- 22 Nullos fratres Romam venire superiores permittant, nisi prius à Generali, vel Protectore dumtaxat licentiam in scriptis impetrauerint.
- 23 Si quis autem sine huiusmodi facultate Romam venire presumpserit, voce actiua, & passiuā biennio priuatus existat, subiturus etiam alias arbitrii Superiorum infligendas poenas. Quę item omnia aduersus eos, qui supradictos admiserint, & receperint, sine ulla exceptione locum habeant.
- 24 Habeat Superior clauem ita fabrefactam, vt cum sibi videbitur, cellas omnes referare possit, & propterea nullus cellam, etiam noctu ita claudat, quin semper à Superiore possit aperiri.
- 25 In medio Dormitorij totam noctem lampas colluceat.
- 26 Nullus etiam Superior cellas siue in claustro, siue alibi separatas à communi Dormitorio habeat, sed

15 vnusquisque vnicui cella, eadem cum ceteris, aliorum  
 16 fratrum coniuncta, nudis omnino parietibus, ac le-  
 17 cto, & mensa humilibus, vniuersumque suppellectili  
 18 (vt præstat) quemadmodum Religiosos decet, con-  
 19 tentus sit; possit tamen Generalis alicui ex Superiori-  
 20 bus Conuentuum, si eorum muneris, & officij neces-  
 21 sitatem id exigere cognouerit, alteram etiam cellam  
 concedere.

27 Cella, siue ædicula, quæ extra Dormitorium sepa-  
 28 ratim sunt, ad officinas, aut alias ad communem vsu,  
 29 & commoditatem Conuentus redigantur.

28 Sigillatim suo quisque lecto cubet, neque vllibi duo  
 29 eodem lecto dormire possint, qui omnes ad certam  
 30 formam redigendi erunt.

29 In priuatis cellis nulli camini permittantur, sed om-  
 30 nes obstruantur statim, cardinibus etiam è parietibus  
 31 conuulsis, vt res illa non ad tempus facta, sed perpe-  
 32 tuò duratura videatur, cellis tamen Generalis, aut  
 33 alterius Superioris, ac Predicatoris exceptis.

30 Conuentus fenestras omnes, quæ in vias publicas,  
 31 aut in vicinas laicorum ædes prospiciunt, muro ita  
 32 obstruantur, vt omnino is prospectus impediatur.

31 Valetudinarium in singulis Conuentibus certo, ac  
 32 salubriori loco constituatur, quod pro loci situ, ac  
 33 fratrum numero, quoad fieri poterit, commodissimū  
 34 esse possit, in quo fratres omnes, cum ægrotabunt, cu-  
 35 rentur, nec inde nisi recuperata sanitate, abire per-  
 36 mittantur. Qui verò infirmorum curæ præpositi sunt,  
 37 omni sedulitate, ac charitate operam suam præsta-  
 38 bunt, ac curabunt, ne quid ægrotis omnino desit,  
 39 quod ad sanitatem recuperandam pertineat.

32 Incutatur ratio, qua, sublati licentijs, ac facultatibus



40  
hactenus quibuscunque concessis; degentes extra  
Conuentus claustra, ad ea quamprimum reuocentur,  
nec de cætero, nisi ex grauissima causa à Sede Apo-  
stolica probanda; huiusmodi facultates conce-  
di possint.

33 Nulli in posterum ad habitum, aut professionem  
admittantur, nisi in Conuentibus per Sedem Aposto-  
licam in qualibet Prouincia deputandis.

34 Curent superiores, vt Constitutio interdicens largi-  
tiones munerum, & præscribens hospitalitatis for-  
mam ab omnibus in quolibet Conuentu inuiolabili-  
ter obseruetur.

35 Vt omnis officiorum ambitus, occasio præcludatur,  
caueant omnes à directa, vel indirecta vocum, seu  
suffragiorum procuratione tam pro se ipsis, quam pro  
alijs, tum in Capitulis locorum, tum in cæteris præ-  
sertim Generalibus Capitulis, aut Congregationi-  
bus, seu alibi Quicunque secus fecerint, præter alias  
pænas, & censuras hactenus contra huiusmodi am-  
bientes inflictas, quas in suo robore permanere vo-  
lumus, in pœnam priuationis officiorum, quæ obti-  
nent, eo ipso incidant, & ad futura quæcunque pari-  
ter inhabiles habeantur, super quo cum eis dispensa-  
ri à nemine possit, nisi à Nobis, vel Successoribus no-  
stris, & pro qualitate culparum grauius etiam ple-  
ctantur. Porro supradictas omnes pœnas ad complices,  
ac simpliciter scientes, & non reuelantes exten-  
dimus.

36 In Superiorum, & officialium omnium electionibus  
forma præscripta à Sacro Concilio Tridentino, &  
Ordinis constitutionibus inuiolabiliter seruetur, iu-  
rentque electores secundum veritatem cuiusque con-

sci-

scientiæ probiores, ac magis idoneos se electuros, ac propterea priusquam ad electionem deueniatur, in primis, & ante omnia prælegantur Constitutiones de qualitate, & requisitis eligendorum. Ad officia, gradus, & Prælaturas illi præcipuè eligantur, qui possint, & consueuerint regulas Ordinis, & Constitutiones obseruare, præsertim, quæ pertinent ad seruitium chori, ac vestitum, & victum communem.

37 Eligantur in Capitulo Generali, vel Prouinciali aliquot graues, & periti ex fratribus cuiuslibet Prouinciæ, saltem tres, qui admittendos ad prædicationem verbi Dei, vel ad audiendas confessiones etiam ipsorum fratrum, ac Lectores publicos diligenter simul examinent, priusquam probentur, & ad huiusmodi ministeria admittantur. Horum etiam curæ sit examinare, & probare tam quoad doctrinam, quàm quoad mores, promouendos ad quoscunque Ordines, in quo seruetur decretum Congregationis interpretum Sacri Concilij Tridentini, hac de causa nuper editum, & promulgatum.

38 Illud porro Superiores omnes in Domino admoneamus, vt memores sint rationis, quam in Nouissimo die reddituri sunt pro Grege sibi commisso, ac propterea omni studio inuigilent, vt quæ in eorundem Ordinum, regulis, & Constitutionibus de oratione, mentali, silentio, ieiunijs, Capitulo culparum, alijsque spiritualibus exercitijs prudenter, ac piè sancita sunt, ea omnia, & singula ad vnguem obseruentur; intelligantque super his veluti fundamentis omnium Religionum ædificia construenda, & amplianda esse, quæ vt faciliorem exitum sortiantur, & fructus vberiores in animis fratrum producant, valdè opportunum erit.

si in quolibet Conuentu, singulis hebdomadis habeatur sermo de religiosa disciplina, regularique obseruantia.

39 Quo verò omnia ordinatè peregrantur, appendatur tabella in loco conspicuo vniuscuiusque Conuentus, in qua distinctè adnotetur quid singulis horis cuiusque diei quilibet frater praestare debeat, vt certo quoque signo præneditus, maiore animi præparatione suum muneri satisfacere possit. Quæ Ordinis constitutiones, his decretis non aduerlantur, inuiolatè custodiendæ erunt.

40 Quibus horum decretorum capitibus certa poenæ præscripta non est, arbitrio Generalis, vel alterius immediati Superioris infligatur. Vt autem hæc decreta (donec alia, quæ ad pleniorè reformationem facient, adantur) ab omnibus obseruari possint, distinctè præcipimus Generalibus, ac omnibus alijs quibuscunque Superioribus, ad quos hoc spectat, vt curent, ac efficiant, ea omnia inter alias eorundem Ordinum Constitutiones perpetuò valituras, redigi, interdita omnino eorum singulis facultatè illas declarandi, & aduersus eas vnquam dispensandi. Alioquin sciant se in pœnam Generalatus, & officiorum priuationis, ac inhabilitatis perpetuæ, ad alia quoque munera ipso facto, & sine vlla exceptione respectuè incidisse.

41 Nè verò prætextu dilatæ publicationis eorum obseruatio, quoquo modo differri possit, aut impediri, volumus, vt post illorum publicationem in Conuentu, vel Monasterio cuiuslibet Ordinis de Vrbe factam, Generalem, aliisque Ordinum Superiores, ceterosque quoscunque fratres præsentis, statim; reliquos

verò



41

verò absentes citra Montes, vnus mensis, vltra Mon-  
tes, trium mensium spatio ita arceant, ac si eorum sin-  
gulis personaliter intimatę fuissent.

42 Insuper mandamus, quòd Generales in singulis cõ-  
uentibus citra montes, vnus mensis; vltra verò mon-  
tes, trium mensium cursu, decreta supradicta publi-  
cari faciant, sub pœna priuationis Generalatus, alijs-  
que arbitrio nostro imponendis. Dat. Romę apud S.  
Petrum die 25. Mensis Iunij M. D, XCIX.

**D**ecretum illud, quo Fratres Romam petere cum  
Generalis, & Protectoris licentia dumtaxat per-  
missum est, Sanctitas Sua extendi ad Prouincialem de-  
creuit, ita vt Prouincialis ipse ex causa communi totius  
Prouincię dumtaxat facultatem huiusmodi facere va-  
leat, Declarauit que pœnam priuationis vocis actiuaę, &  
passiuaę contrafacientibus inflictam, Sanctitati Suę re-  
seruatam esse, interdicta omninò eorum Superioribus  
singulis, etiam Generali, ac Protectori facultate illam  
moderandi, ac relaxandi. Dat. Romę die 20. Martij  
1601.

Decretum felicitis record. Cle-  
mentis PP. VIII.

*Super Casum reservatione ab omnibus Regularium  
Superioribus obseruandum*

**S**anctissimus Dominus Noster, qui iam pridem  
accuratę perpenderit, ac re ipsa comperit, quòd re-  
seruatio facultatis absoluendi Religiosos pœni-

rentes à peccatis quibusdam grauioribus, nisi Superiores admodum prudenter, ac moderatè illa vtantur, non nullos infirmiores, qui interdum superiori suo conscientie maculas deregere formidant, adducere posset in eterne damnationis periculum, & spiritualis remedij desperationem; Ideo, vt huic malo Sanctitas Sua opportunè prospiceret, decreuit, vt nemo ex Regularium Superioribus peccatorum absolutiones sibi reseruet, exceptis ijs, quę sequuntur, aut omnibus, aut eorum aliquot, prout subditorum vtilitati expedire prudenter in Domino iudicauerint.

Veneficia, Incantationes Sorilegia.

Apostasia à Religione, siue habitu dimisso, siue re-  
tento, quando eò peruenerit, vt extra septa Monasterij  
seu Conuentus fiat egressio.

Nocturna, ac furtiua è Monasterio, seu Cōuentu egres-  
sio, etiam non animo apostatandi facta.

Proprietas contra votum paupertatis, quę sit pecca-  
tum mortale.

Iuramentum falsum in iudicio regulari, seu legitimo.

Procuratio, auxiliū, seu cōsiliū ad abortum faciendū  
post animatum foetum, etiam effectu non secuto.

Falsificatio manus, aut Sigilli Officialium Monaste-  
rij, aut Conuentus.

Furtum de rebus Monasterij, seu Conuentus in ca-  
quantitate, quę sit peccatum mortale.

Lapsus carnis voluntarius opère consumatus.

Occisio, aut vulneratio, seu grauis percussio cuiusq;  
personę.

Maliciosum impedimentum, aut retardatio, aut aperi-  
tio literarum à Superioribus ad inferiores, & ab infério-  
ribus, ad Superiores.

Si quod aliud præterea peccatum graue pro Religio-  
nis conseruatione, aut pro conscientie puritate reſer-  
uandum videbitur, id non aliter fiat, quàm Generalis  
Capituli in toto Ordine, aut Prouincialis in Prouincia,  
matura diſcuſſione, & conſenſu.

Non liceat Superioribus Regularium Confeſſiones  
ſubditorum audire, niſi quando peccatum aliquod reſer-  
uatum admiſerint, aut ipſemet ſubditi ſpontè, ac pro-  
prio motu id ab ijs petierint.

Superiores in ſingulis domibus deputent duos, tres,  
aut plures confeſſarios, pro ſubditorum numero maio-  
ri, vel minori; ijque ſint docti, prudentes, ac charitate  
præditi, qui à non reſeruatis eos abſoluant, & quibus  
etiã reſeruatorum abſolutio committatur, quando ca-  
ſus occurrerit, in quo eam debere committi ipſe in pri-  
mis confeſſarijs iudicauerit.

Tàm ſuperiores pro tempore exiſtentes, quàm con-  
feſſarij, qui ad Superioritatis gradum fuerint promoti,  
caueant diligentiffimè ne ea notitia, quàm de aliorum  
peccatis in confeſſione habuerunt, ad exteriorem gu-  
bernationem vrantur.

Licebit tamen Superioribus determinare pœnitenti-  
as graues quibuſdam peccatis, etiã non reſeruatis à  
confeſſarijs imponendas, quæ ſubditos ab huiusmodi  
perpetrandis cohibere poſſint.

Atque ita per quoscumque Regularium Superiores,  
quicumque illi ſint, obſeruari mandauit. Non obſtanti-  
bus, Conſtitutionibus, & Ordinationibus Apoſtolicis,  
ac cuiuſuis concilij, etiã Generalis Decretis, necnon  
conſuetudinibus, etiã ab immemorabili tempore ob-  
ſeruatis, aut Regulis in Generalibus, ſeu prouincialibus  
Capitulis editis, Statutis, & Conſtitutionibus etiã



Apostolica auctoritate confirmatis, Privilegijs, Indul-  
tis, & Concessionibus quibuscumque; quorum tenores  
hic pro expressis haberi voluit, ceterisque in contrari-  
um facientibus quibuscumque. Dat. Romæ apud San-  
ctum Petrum die 26. Mensis Maij Anno Domini 1593.

Sanctitas Sua deinceps declaravit, & declarat, vt si  
huiusmodi Regularium Confessarijs casus alicuius refer-  
uati facultatem petentibus Superior dare noluerit, pos-  
sint nihilominus Confessarij illa vice poenitentes Regu-  
lares, etiam non obtenta à Superiore facultate, absol-  
uere.

Formula concedendi facultatem pro No-  
uitijs ad Regularem habitum reci-  
piendis in Monasterijs, & locis  
designatis.

**S**ANCTISSIMUS in Christo Pater, & Dominus N. D.  
Clemens diuina prouidentia Papa Octauus: cum  
regularem disciplinam restituere, atque in pristinum  
statum reuocare maximè cuperet, regularesque omnes,  
vitam, moresque suos ad rationem eius instituti, quòd  
quisque professus esset, ita componere, vt quæ ad vpro-  
rium, vitam, habitum, victumque communem pertinent,  
ea potissimum singuli religiosissime obseruarent, gene-  
rali decreto, quòd de mente Iunij editum, tertia Iulij  
anni 1599. promulgatum fuit, Ordinum Religiosorum  
Superioribus, ( nonnullis exceptis ) prohibuit, ne aut  
Nouitios reciperent, aut quenquam ad professionem ad-  
mitterent, quàm à Sanctitate Sua Monasteria aliquo

ad

ad eam rem præscripta essent, in quibus obseruantia Regularis vigeret. Nunc verò eadem Sanctitas Sua à locorum etiam Ordinarijs, quibus id muneris demandauerat, certior facta, in illis præscriptis Monasterijs, & Conuentibus Ordinis N. præfinitum esse numerum dumtaxat eorum, qui vel ipsius Monasterij censibus, vel consuetis elemosynis sustentari ibi commodè possunt, atque in ijs omnia fideliter obseruari, quæ sunt cum illorum professionis perfectione coniuncta, nempe castitatis, paupertatis, & obedienciæ vota, vnà cum cæteris decretis particularibus, vel institutis ipsius, vel Pontificijs, etiam ad viduum, vestitumque communem spectantibus ( ipso decreto, vt supra, edito, & promulgato, nequaquam obstante ) potestatem facit Superiõri eiusdem Ordinis, Nouitiatus in infra scriptis Monasterijs, & Conuentibus erigendi, Nouitios recipiendi, educandi, atque ad professionem admittendi; modò tamen id ad præscriptum instructionis iussu Sux Sanctitatis editum, neque alio modo fiat. Quoniam verò ea est Sux Sanctitatis mens, & voluntas, vt in Monasterijs, & Conuentibus, ad alendos Nouitios præfinitis, regularis obseruantia perpetuò retineatur, mandat, & præcipit, vt in ipsis præscriptus iam personarum numerus in posterum seruetur, nullusque omninò Superior cuiusvis conditionis, personarum, & Nouitiorum numerum augere præsumat, ea poena proposita, vt in omnibus priuatis officijs, vocis actiuæ, & passiuæ ius omne amittat. Vult denique Sanctitas Sua huiusmodi facultatem per Congregationem Reformationis Apostolicæ hoc decreto Secretarij manu subscripto concedi, non obstante decreto vt supra, promulgato.

Dat. Romæ die, &c.

Præscribitur verò numerus Sacerdotum .., Clericorum .., Nouitiorum .., Conuersorum autem ..

*N. Visitationis, & Reformationis Apostolicæ Secretarius.*

## Decretum super forma recipiendi Nouitios Regularium ad habitum, & professionem.

**S**ANCTISSIMUS IN CHRISTO PATER, & D. N. D. CLEMENS Diuina prouidentia Papa VIII. Qui aliàs pro Regularis disciplinæ restitutione, singulis Regularium Ordinibus (quibuldam exceptis) prohibuit, ne ad Regulare habitum Nouitios in posterum reciperent, receptos uè ad professionem admitterent, quousque in aliquibus cuiusuis Ordinis Monasterijs, seu Conuentibus, (in quibus Nouitiatus pro recipiendis, & educandis Nouitijs designarentur, & approbarentur) ad eius, quam professi sunt, Regulæ præscriptum, vitam moresque restituerent, & componerent; certior deinde factus quosdam omnium ferè Ordinum Conuentus, seu Monasteria ad pristinam illam Regularem viuendi formam, & disciplinam, quam diuiniùs desiderauerat, fuisse redacta; in eisdem Monasterijs, & Conuentibus, vt Nouitiatus erigi, Nouitijque recipi possent, (sub certis tamen legibus, ac ea præsertim, vt licentia à Congregatione Reformationis Apostolicæ priùs ob eam esset,) concessit; & ad illa designauit, & approbavit. Nunc volens, vt ea, quæ

pro



pro Nouitiorum receptione, & institutione, de mandato Sanctitatis S. præscripta fuerunt, in posterum accuratius, & exactius obseruentur, vltra formam traditam in Constitutionibus fel. rec. Sixti Papæ V. & etiam Sanctitatis S. super receptione Nouitiorum, decreuit, ac præsentis Decreti virtute mandauit, ne in Conuentibus, seu Monasterijs ad Nouitios recipiendos, de Sanctitatis S. seu dictæ Congregationis Reformationis licentia hætenus designatis, & approbatis, seu in posterum designandis, & approbandis, Nouitij ad habitum recipi vllatenus possint, vel admitti, nisi prius ab ipsa Congregatione, vel à proprijs locorum Ordinarijs, aut ab illis, in quorum diœcesi Nouitiatus existunt, in quibus Nouitij recipiendi fuerint, expressè, & nominatim Nouitij ipsi recipiendi approbati fuerint, & vt recipi, & admitti possint, licentiam in scriptis (gratis tamèn in omnibus, etiam quoad scripturam concedendam) obtineant. Monet autem Sanctitas S. eosdem Ordinarios omnem curam, & diligentiam adhibere, vt circa ætatem, conditionem, educationem, scientiam, vitam, & mores, cæterasque qualitates in ipsis Nouitijs requisitas, obseruentur Institutiones pro illis recipiendis ab eadem Congregatione Reformationis factæ, & publicatæ, Neque aliter, nec alio modo aliquem ad habitum recipi permittant: Ordinarios ipsorum conscientiam onerando, si quempiam approbauerint, vel admitti permiserint, qui non sit idoneus, & iuxta Constitutiones, & Institutiones prædictas, approbandus, & admittendus. Firmis nihilominus remanentibus pœnis omnibus contra Superiores quorumcumque Ordinum, qui, in admittendis ad habitum, & professionem Nouitijs, formam Constitutionum, & Institutionum prædictarum non ser-

uauerint, aut Nouitium aliquem, quantumuis idoneum, & approbatum, in quouis alio Conuentu, & loco, seu Monasterio, præterquam in hætenus à Sua Sanctitate, vel à dicta Congregatione designatis, & approbatis, seu in posterum designandis, & approbandis, vel ultra numerum in eorum singulis præscriptum, seu præscribendum receperint, vel admiserint, seu aliàs præmissis quouis modo cōtrafecerint. Irritum ex nunc, & inane decernens quicquid secus, vel aliàs, quauis auctoritate à quouis gestum, vel attentatum fuerit. Non obstantibus quibuscunque, &c. Dat. Romæ apud Sanctum Petrum, die 19. Maij 1602. Pontificatus eiusdem Sanctissimi D. N. Anno Vndecimo.

Institutiones super receptione, & educatione Nouitiorum Religiosorum  
in Monasterijs, & Conuentibus  
designatis, vel designandis,  
Clementis eiusdem iussu  
editæ.

**C**VM ad Regularē disciplinā in singulis Religiosis Monasterijs propagandam, Nouitiorum institutio maximè utilis sit, ac necessaria, & nihil ad grauem illam, ac laudatissimam priscorum Patrum viuendi rationem relaxandam, maiorem vim habuisse compertum sit, quàm, vel nimiam in recipiendis Nouitijs facilitatem, supra numerum, quem capere, atque alere Monasteria  
ipsa

ipsa possent, vel negligentiam in probando, & examinando eorum spiritu, an verè esset ex Deo, atque ex præcipuo desiderio illi inseruiendi, vel denique incuriam in eis educandis, atque instituendis. Id circò, vt huiusmodi incommodo deinceps occurratur, præcipitur omnibus, & singulis ad quos spectat, vt in recipiendis Nouitijs, & in eorum institutione, atque educatione, necnon in magistri, & aliorum ministrorum electione, præter alia, quæ in Sacris Canonibus, ac Decretis præsertim Concilij Tridentini, Pontificijs, & cuiuscunque Ordinis, aut Instituti Constitutionibus continentur, tam in aliàs designatis, quàm nunc, & in posterum ad hoc designandis Monasterijs, & Conuentibus, hæc quæ sequuntur, inviolatè obseruari, & exequi perpetuò current.

Primum, quòd attinet ad Nouitiorum recipiendorum formam, vltra diligentem perquisitionem, quæ habenda erit de vniuscuiusque natalibus, corporis habitudine, moribus, & vita ante acta, ac præcipuè eorum, qui sexum decimum ætatis suæ annum excedent, an criminosi, an ære alieno grauati, vel reddendæ alicuius administrationis rationi obnoxij sint, iuxta formam Constitutionis felicis record. Sixti Quinti, & moderationum subsequutarum: Illud etiam Superiores, ad quos spectabit, sedulo perquirant, vt, quibus in Monasterijs, & Conuentibus ex Apostolica facultate Nouitiatus fuerint instituti, in ijs ad religionem nullus in posterum admittatur, qui, & ex honestis parentibus natus non sit, & conditiones Sacris Canonibus, Summorumque Pontificum Constitutionibus præscriptas non habet, iuxta Decretum super forma recipiendi Nouitios, die 19. Maij 1602. editum.



Quisque recipiendus in aliquo Ordine regulari, etiam Mendicantiū, in ea sit ætate constitutus, quam eius Ordinis, in quo recipietur, regularia instituta, & ordinationes requirunt; eam verò literarum scientiam calleat, aut illius addiscendæ spe in dubiis præferat, ut minores; & suis temporibus, maiores Ordines, iuxta Decreta Sacri Concilij Tridentini suscipere valeat. Sed si quis annum vigesimum quintum excedens ad habitum regularem admitti postulauerit, & talis eruditionis expertus inuentus fuerit, in Conuersorum tantum, quibus literarum scientia non est necessaria, numerum referatur; Ipsi autem Conuersi non recipiantur ante vigesimū ætatis suæ annum: & nisi saltem præcipua Doctrinæ Christianæ capita nouerint.

Demum Superiores diligenter exquirant, quo spiritu, qua mente, ac voluntate id regularis vitæ genus elegerint, quem sibi finem proposuerint, num zelo melioris frugis, ac perfectioris vitæ, & ut Deo liberius famulari possint, an potius leuitate, vel humano aliquo affectu, aut inordinato animi motu ducantur, & an eorum parentes ope, & subsidio ipsorum indigentes, destituantur.

Prouideant quoque ut omnes, etiam Conuersi recipiendi, priusquam ad habitum regularem admittantur, ab ijs quibus munus hoc incumbit, de regula, quam professuri sunt, tribus votis essentialibus, statuque regulari, & alijs cuiusque Ordinis peculiaribus institutis, & Constitutionibus diligenter instruantur. Et quia quarundam Religionum moris est, ne dum Conuersos ad professionem admittendos, verum, & Oblatos, ut vocant, recipere, circa ipsorum Oblatorum receptionem vnaquæque religio suas peculiare Constitutiones, specialiaque in-

stituta observare teneatur.

Statim atque Novitij ad habitum recepti, & in locum Novitiatus introducti fuerint, per generalem omnium peccatorum confessionem totius antea & vitæ conscientiam discutiant, & expurgent.

Quòd verò ad loci qualitatem vniuscuiusque Novitiatus spectat, locus huiusmodi propria clausura ab ea parte Conventus, & Monasterij, in qua degunt professi, segregatus sit, atque distinctus; habeatque tot ad dormiendum cellulas separatas, quot erunt numero Novitij; vel dormitorium ita capax, ut pro singulis singuli lectuli commodè sterni possint, in quo etiam cellula, vel certus, ac determinatus locus pro Magistro, eiusque socio reperiatur.

In eo etiam, præter alias communes commoditates, aptus locus adsit ad spirituales collationes, seu confessiones faciendas, ac lectiones, instructionesque Magistri audiendas, & in quem hiemis tempore ad calefaciendum se igne communi recipiant.

Oratorium insuper, seu Cappella, si commodè fieri poterit, ad Novitios in spiritualibus, præsertim in ceremonijs, ecclesiasticisque functionibus exercendos.

Hortus quoque peculiaris ad honestam recreationem benè conclusus, atque munitus adsit; si minùs, hortum cæteris Fratribus communem recreationis tempore ingrediantur. Ipsis verò Novitijs ibi commorantibus, curabit Magister cum loci Superioris auctoritate (si opus fuerit) ne in eundem quisquam alius ingrediatur.

Ad huiusmodi locum Novitiatus nemini eiusdem, vel alterius Ordinis regulari, etiam Conventus, & Monasterij Officiali, vlllo vnquam tempore sub quovis prætextu aditus pateat, præterquam Magistro, eiusque so-

cio,

cio, ac etiam Monasterij, aut Conuentus Superiori, si quandocunque ingrediendum sibi necessario existima- uerit, quo tamen casu aliquem semper ex senioribus Conuentus, vel Monasterij Patribus socium assumat.

Huius loci clausuræ clauis apud Magistrum semper asseruetur, illique soli liceat ex graui tantum causa in- gressum illuc alicui permittere; si quis autem Nouitio- rum quempiam alloqui voluerit, Magistro presente, & non aliter alloquatur.

Nouitiorum Magistro socius, si per Nouitiorum in- struendorum multitudinem necessarius fuerit, vita, & moribus ( quoad fieri poterit ) consimilis deputerur, qui in his, quæ ad Nouitiatus regimen spectant, dicto Ma- gistro immediatè subiectus existat; eleganturque tam- Magister, quàm socius per Prouinciale Capitulum, per triennium ad minùs onus huiusmodi subituri. Quòd si aliquo casu extra tempus capitulare noua loca Nouitia- tus concedi contingat, tunc electionem Magistri Noui- tiorum, & socij huiusmodi in his nouis locis per Gene- ralem, vel Prouincialem, seu Ministrum, aut eorum Vi- sitatores, seu Vicarios, de Diffinitorum tamen, vel gra- uiorum aliorum Patrum còsensu fieri permittitur; idem- que seruetur, si intra triennium, alterum, vel vtrumque vrgenti aliqua de causa ex illis locis amoueri, vel mo- ri contigerit, in cuius, vel quorum locum alij consimi- les subrogari debeant.

Tàm Nouitiorum Magister, quàm socius ab ijs omni- bus officijs, oneribusque vacationem habeant, quæ No- uitiorum curam, & regimen impedire valeant. Ipse Ma- gister sacerdotali ordine sit initiatus, ac in quinto saltem supra trigessimum ætatis suæ anno constitutus, & per de- cennium à professione emissæ in religione perstiterit. So-

cius



cuius verò trigessimum annum excedat; sintque ambo doctrina, & quantum per Superiorum diligentiam, & vires fieri poterit, viræ etiam antea clare exemplo præstantes; orationis præterea, & mortificationis operibus addicti, prudentia, charitateque referti, non sine affabilitate graues, zelum Dei cum mansuetudine præferentes, ab omni cordis, ac animi perturbatione, ira præsertim, & indignatione, quæ in se, & erga alios charitatem impedire consueverunt, quam longissimè alieni; & tales demum, qui in omnibus seipso, bonorum operum exemplum præbeant, ut ij, qui eorum curæ subsunt, illos non tam metuant, quàm reuerentur, nec illis vnquam detrudere quicquam possint.

Habeat etiam Magister plenam, & absolutam potestatem circa Nouitiorum institutionem, ac Nouitiatus regimen, ita ut in illis nemini (Visitatoribus, ac Superioribus maioribus, vel etiam localibus exceptis) quouis colore se ingerere liceat.

Curam adhibeat diligentem, ut Nouitij omnes in regulari disciplina sedulò exerceantur, agnoscantque præcipuè diuinæ, qua digni facti sunt, vocationis præstantiam, & excellentiam, quæ vera sit, atque perfecta; votorum solemniū, & quàm necessaria cuiusque Ordinis Constitutionum obseruantia; modum in oratione, tum vocali, tum mentali fructuosè persistendi, illicitas passiones, & vitia (ad quæ natura per peccatum labefacta omni tempore prona est atque procliu) per sensuum custodiam, & mortificationem cohibendi, austeritatem, ieiunia, cilicia, disciplinas, conscientia puritatem, crebram illius discussionem, Sacramentorum frequentiam, confessionis præsertim, quæ bis saltem singulis mensibus fiat, per aperitionem quotidianam motuum

inernorum, cordis, & tentationum manifestationem, per exercitium humilitatis circa viliora ministeria, per modestiam in omnibus actionibus, diuturnumque silentium.

Quilibet Nouitius bis quotidie orationi mentali, & vocali incumbat, vnusquisque secundum propriam capacitatem, & ordinem sibi à Magistro præscriptum, ac pluries in die propriam conscientiam vnusquisque examinare contendat. Ipsi autem Magistro soli, Nouitiorum confessiones audiendi cura committatur. Liceat tamen Superiori, etiam locali, si ita expedire iudicauerit, vel per seipsum, vel per alium ab eo deputandum, semel, aut bis in anno eorundem Nouitiorum confessiones audire.

Quotidie Missæ sacrificio intersint, & statutis horis in Choro, nocturnis, diurnisque diuinis Officijs assistant.

Exercitationibus etiam corporalibus vacent, legant, vel scribant res spirituales; modestam animi recreationem interponant, quæ in solitario loco, & commodo extra Nouitiatum semel in hebdomada, vel in alternis saltem hebdomadibus longior statuatur, fiatque semper Magistro præsentè, vel socio, qui multum inuigilent, ne duo ab alijs commorentur disuncti, atque eo tempore, cuiusque in quam natura feratur, propensionè, scutentur. Nò liceat eis, durate Nouitiatu, & probationis tempore, vnà cum Professis, nisi in Choro, in Ecclesia tempore officiorum, in processionibus, aut in cœnaculo causa refectionis commorari, nec permittatur eis Professos domo exeuntes comitari.

Pro communibus, & proprijs cuiusque necessitatibus, quæ accidere possunt, vnus ex Nouitijs ipsis, ætate, moribusque prouectior deputeretur, qui absente socio, Magistro permittente, omnia, prout opus fuerit, agat, cui etiam ianue custodiæ, & rerum leuioris momenti prouisio intra nouitiatum committi poterit.

Cum

Cùm autem, licèt Clericorum benè instituendorum cura debeat esse præcipua, Conuersorum tamen religiosa instructio non sit prætermittenda, quin potius æquanimiter amplexanda, quandoquidem satis exploratum est, istorum etiam, cùm regulam profireantur, eandem perfectam educationem, tùm Religioni decorem, & ornamentum, tùm alijs Christi fidelibus ædificationem, exemplum, atque vtilitatem asserre. Conuersis ipsis à Clericorum Nouitiatu separatus ad dormiendum locus (quantum commodè fieri poterit) assignari præcipitur. Illi tamen hac separatione non obstante, Magistro Nouitiorum, seù Superioribus Monasteriorum, & Conuentuum iuxta cuiusque Ordinis statuta, & Constitutiones subditi esse, & obedientiam præstare debebunt, à quo non tantùm circa corporalia obsequia probandi, & exercendi, verùm etiam, pro eorum capacitate, & commoditate, de spiritualibus, præsertim de modo mentaliter orandi, diligenter instruendi erunt; quod vt commodius fiat, ad Capitula, & spirituales Conciones, quæ per Magistros Nouitijs fieri solent, accersiri debeant, & in Ecclesijs, statutis horis conueniant, nisi tunc in suis officijs actualiter occupati fuerint.

Tempore verò probationis elapso, ij tantùm, qui non solum religiosæ perfectionis capaces, sed ad laborem corporalem apti, nouo, ac diligenti examine reperti fuerint ( dummodo ætatis suæ annum, quoad Clericos decimum sextum, quo verò ad Conuersos, vigesimum primum excesserint ) ad professionem admittantur. Sed qui ad Conuersorum habitum recepti fuerint, ad Clericorum statum transire, etiam durante tempore probationis, non possint

Superior cuiuslibet Conuentus, in quo Nouitiatus fue-

H

rit



rit constitutus, particularem librum habeat, in quo vniuscuiusque Nouitij professio regiltretur, illamque Nouitius professus propria manu, & duo testes, qui praesentes fuerint, subscribant.

Conuersus verò literarum ignarus, professus, in eorumdem testium, qui se subscripserint, praesentia, propria manu signum crucis apponat; asserueturque liber, & custodiat in Archivo, vbi scripturae ad Monasterium, seu Conuentum pertinentes reponi consueuerunt.

Quia verò in quibusdam Ordinibus filiationis vsus est receptus, declaratur, quod licet decretum sit, vt Nouitijs educandis certa Monasteria, aut Conuentus designata quilibet Ordo habere debeat, licitum tamen sit superioribus Monasteriorum, & Conuentuum huiusmodi Ordinum, in quibus filiationis vsus receptus est, eos, quos praenarratis qualitatibus suffultos repererint, in suorum locorum filios iuxta cuiusque Ordinis constitutiones adscribere, sicque adscriptos, cum iuxta praesentes Institutiones, & alias, seruatis seruandis, ad Ordinem recepti fuerint, ad loca Nouitiatum cum testimonialibus literis transmittere, vbi tanquam dictorum Conuentuum, seu Monasteriorum filij, eorumdem nomine, & instantia recipi, ac in Nouitiatu probari, & deinde antequam ad eadem Monasteria, seu Conuentus filiationis huiusmodi remittantur, in professorio ad perfectionem, vt praemissum est, exerceri debebunt.

Porro, ne loca vnius Monasterij, seu Conuentus ab alio praoccupentur, Capituli generalis, aut prouincialis partes erunt, numerum praescribere pro omnibus, & eam similiter rationem circa alimentorum contributionem ( si opus fuerit ) inire, ac singulis Conuentibus, & Monasterijs praescribere, quae magis expedire videbitur.

Vt autem Nouitij iam in Professorum numerum (sicut præmittitur) recepti melius in bono spiritu, regularisque disciplinæ obseruantia stabiliantur, & confirmentur, mandatur, vt statim post professionem emissam, si in Conuentibus, aut Monasterijs pro Nouitiabus assignatis locus aderit secundi nouitiatus, siuè Professorij, ab ea, quæ Nouitiorum est, atque antiquorum Professorum habitatione distinctus, & segregatus, ibi collocentur, si Monasterium, aut Conuentus eos alere queat; sin minùs, in alium commodiorem Conuentum, aut Monasterium transferantur, in quo is locus cum requisitis ad Nouitiatum supranarratis reperiatur, vel accomodetur, aut de nouo construatur.

Ab hoc tamen illæ Religiones excipiuntur, quæ suarum constitutionum, seu institutorum vigore maioris temporis cursus nouos Professos intra Nouitiatum detinere consuefcent, quibus in hac parte non derogatur, illis tamen permittitur, vt, prædictis earum constitutionibus non obstantibus, id ipsum facere possint, si id rationi ac Religioni magis expedire dijudicauerint: quibus in locis degant sub regulis, & modo viuendi adhuc arctiori, quàm seruent antiquiores Professi; ita quòd in negotijs Monasteriorum, aut Conuentuum non se intromittere, nec communibus tractatibus interesse, neque alicuius exterioris obedientiæ officium exercere debeant, ibique permaneant, quousque ad ætatem sacris Ordinibus suscipiendis sufficientem deuenerint, vel saltè per triennium post professionem, quo etiam tempore poterunt, quinimo, & debebunt literarum studijs operam nauare sub directione, ac regimine Superioris, qui eas qualitates habeat, quibus Nouitiorum Magistrum prædicum esse oportere dictum est.

Declaratur tamen, quòd propter præmissa non censetur concessa licentia recipiendi Nouitios, nisi in locis pro Nouitiatu designatis, aut in posterum designandis, & pro numero dumtaxat in eorum singulis præscripto, vel præscribendo.

Denique si illi, qui inter Religiosos gradu, & ordine Superiores sunt, & alij, ad quos spectat, in prædictis omnibus, vel eorum aliquo deliquerint, seu quouis modo contrafecerint, officiorum omnium, quæ tunc obtinebunt, priuationem, grauioreque pro modo admissæ culpæ pœnas, se subituros certò sciant. Dat. Romæ apud S. Petrum die 19. Martij 1603.

Ant. Seneca Refor. Apost. Secr.

Confirmatio Declarationis Constitutionis Clementis Papæ VIII. de largitione munerum Regularibus vtriusque sexus interdicta.

VRBANVS PAPA VIII.

Ad perpetuam rei memoriam,

**N**Vper à Congregatione nonnullorum Romanæ Curiae Prælatorum, coram dilecto filio nostro Antonio tituli S. Petri ad Vincula Presbytero Cardinali S. Onuphrij nuncupato, maiori Pœnitentiario, ac nostro in alma Vrbe Pro Vicario in spiritualibus generali, & nostro secundum carnem fratre germano, à Nobis deputata, emanauit declaratio tenoris subsequenti-  
li-



licet. Cum circa interpretationem Constitutionis felic.  
 rec. Clementis VIII. sub dat. xij. Kal. Iulij Pontifica-  
 tus sui anno III. de Largitione munerum Regularibus  
 vtriusque sexus interdicta, nonnullæ difficultates, & am-  
 biguitates sint exortæ; Congregatio specialiter à San-  
 ctiss. D. N. VRBANO Diuina Prouidentia Papa VIII.  
 coram Eminentiss. Cardinali S. Onuphrij maiori Pœni-  
 tentiario, ac Urbis Prouicario deputata, auctoritate sibi  
 attributa declarauit, & declarat, munera à Religiosis  
 vtriusque sexus tribui posse, ex causis gratitudinis, con-  
 ciliationis beneuolentiæ, eiusque conseruationis erga  
 ipsam Religionem, vel Conuentum, alijsuè causis ex sui  
 natura actum virtutis, & meriti continentibus: modeste  
 tamen, ac discretè, & dummodo id non fiat, nisi de Su-  
 periorum localium licentia, ac etiam cum consensu  
 maioris partis conuentus, si talis consensus de iure, vel  
 ex constitutionibus, seu consuetudinibus cuiusque Reli-  
 gionis respectiuè, in huiusmodi casibus, requiratur. Con-  
 sensum verò Conuentus, in §. 3. eiusdem Constitutionis  
 ad leuiores esculenta, aut poculenta, seu ad deuotionem,  
 & religiositatem pertinentia munuscula largienda, &c.  
 requisitum, intelligi debere de consensu aliàs de iure re-  
 quisito, & ubi concurrit ambitionis suspicio, qua cessan-  
 te, nec in his requiri licentiam Superiorum in scriptis in  
 §. 4. eiusdem Bullæ requisitam, sed sufficere licentiam,  
 etiam oretenus eisdem concessam declarat. Comestatio-  
 nes autem, computationes, & conuiuia in excipiendis  
 præsertim Benefactoribus, Protectoribus, vel Ordina-  
 rijs honorificè, & lautè, de quibus in §. 5. & 6. eiusdem  
 Constitutionis, censi tantummodò prohibita, si decen-  
 tiæ status regularis aduersentur. Restitutionem vero re-  
 ceptorum Conuentibus faciendam, de qua in §. 7. ibi-  
 dem

dem cautum est, intelligi debere de Conuentibus, ad quos data, donata, seu missa de iure pertinent, si id commodè fieri potest, alias Conuentui eiusdem Religionis viciniore loco, ubi petita fuit absolutio, restituantur. Insuper eadem facultate sibi tributa, omnes, qui hucusque aduersus supradictæ Constitutionis Capitula hic moderata largiti fuerunt, vel receperunt, à poenis quibuscumque in eadem Constitutione inflictis, & incurfis posse, & debere à proprijs Confessarijs absolui in foro conscientiae, etiam non facta prius huiusmodi rerum donatarum, seu datarum restitutione. Quoad eos verò, qui præter modum prædictum grauiori Religionis detrimento largiendo, vel recipiendo transgressi sunt, sed ob inopiam, restituere nequeunt, eadem Sanctitas concedit maiori Pœnitentiario, vt de præteritis vsque ad diem datæ præsentium in foro conscientiae absoluat, dispense, & condonet, seu absolui, dispensari, & condonari mander, prout in Domino magis expedire iudicauerit. Et nè prædictæ Clementis VIII. Constitutionis memoria dilabatur, Superiores locales cuiuscumque Monasterij, Conuentus, Domus, ac Collegij Regularis sub poena priuationis officij, vocisque actiuae, & passivæ ipso iure incurren. efficere teneantur, vt in perpetuum singulis annis mense Ianuario, non solum prædicta Constitutio (quam in reliquis eius partibus eadem Sanctitas, omnino obseruari iubet, & quatenus opus sit innouat, quemcumque prætersum non vltum, aut prætersum vltum, seu præteritam consuetudinem, damnando, & irritando) verum etiam hoc decretum in aliqua publica Congregatione, vel saltem in publica mensa perlegantur. Omnibus tam Ecclesiasticis personis etiam Regularibus, quàm Laicis cuiuscumque sint ordinis, conditionis, gradus, ac digni-

ratis, etiam speciali nota dignis, & qui sub generali dispositione non comprehenderentur, prædictam Clementis Constitutionem contra præsentis decreti tenorem, declarandi, vel interpretandi facultate poenitus interdicta, super quibus Sanctissimus mandauit expediri Breue. Dat. Romæ die 15. Septembr. MDCXXX. Quapropter ut præmissa firmitus subsistant, & inuiolabiliter obseruentur, quantum cum Domino possumus, prouidere volentes, Motu proprio, & ex certa scientia, ac matura deliberatione nostris, deque Apostolicæ potestatis plenitudine, declarationem præinsertam cum omnibus, & singulis in ea contentis, tenore præsentium perpetuò confirmamus, & approbamus, illisque inuiolabilis Apostolicæ firmitatis robur adijcimus, ac omnes, & singulos, tam iuris, quàm facti defectus, si qui desuper quomodolibet interuenerint supplemus, illaque inuiolabiliter ab omnibus, ad quos spectat, & spectabit in futurum, obseruari, sicque, & non aliter in præmissis per quoscumque Iudices ordinarios, & Delegatos, etiam causarum Palatii Apostolici Auditores, ac S. R. E. Cardinales etiam de latere Legatos, & quosuis alios quacumque auctoritate fûgentes, sublata eis, & eorum cuiuslibet quauis aliter iudicandi, & interpretandi facultate, & auctoritate, iudicari, & diffiniri debere, ac irritum, & inane, si secus super his à quoquam quauis auctoritate scienter, vel ignoranter contigerit attentari, decernimus. Non obstan. quod ea, quæ declarationi prædictæ, & præsentibus sunt contraria, vel diuersa, Constitutione fel. rec. Clementis Pape VIII. prædecessoris nostri prædicti, ac omnibus illis, quæ idem Clemens in Constitutione huiusmodi voluit non obstare, ceterisque contrarijs quibuscumque. Dat. Romæ apud Sanctam Mariam  
Ma-



Maiorem sub Annulo Piscatoris die 16. Octobr. 1640.  
Pontificatus nostri Anno decimo octauo.

M. A. Maraldus.

## CLEMENS EPISCOPVS

Seruus Seruorum Dei.

Ad perpetuam rei memoriam.

**R**eligioſæ Congregationes, ab inſigni ſanctitate vi-  
ris Spiritus ſancti aſſatu inſtitutæ, tantas Eccle-  
ſiæ Dei vtilitates omni tempore attulerunt, vt ad eas cõ-  
ſeruandas, & inſtaurandas Romani Pontifices Præde-  
ceſſores noſtri magnam iure optimo diligentiam ſem-  
per adhibuerint. Nam cum ea ſit rerum humanarum,  
conditio, & natura, vt etiam, quæ optimè fundata, &  
conſtituta ſunt, partim hominum imbecillitate, & ad  
malum procliuitate, partim Dæmonis aſtutia, paulatim  
deficiant; ac niſi cura peruigili ſuſtententur, in deterius  
prolabantur; Idcirco Summorum Pontificum vigilan-  
tia magnoperè laborauit, vt Regularium Ordinum  
disciplina, aut labefacta in priſtinum reſtitue-  
retur, aut ſalutaribus Conſtitutionibus communi-  
ta, integra atque incolumis permaneret. Quorum  
Nos veſtigijs pro eodẽ Officij munere inſiſtere, & Pã-  
ſtoralem illorum ſollicitudinem ( quantum poſſumus )  
diui-

diuina adiutrice gratia, cupimus imitari. Quare ne ex muneribus, quæ à pluribus religiosæ vitæ professoribus, ex Christi patrimonio, quibusuis hominibus quauis ex causa sæpè tribuuntur, grauià incommoda, & mala, etiam boni specie existant, præcauere studentes, hac nostra perpetuò valitura Constitutione vniuersis, & singulis cuiuscumque Ordinis Mendicantium bona immobilia, & redditus certos ex indulto Apostolico possidentium, vel non possidentium, seu cuiusuis Congregationis, Societatis, & instituti (non tamen Militiæ) Regularibus personis vtriuslibet sexus omnem, & quamcumque largitionem, & missionem munerum, poenitè interdicimus. Sub quâ prohibitionem comprehendimus omnia, & singula Capitula, Conuentus, & Congregationes, tam singulorum Conuentuum, Monasteriorum, Prioratuum, Præpositarum, Præceptoriarum, domorum, & locorum, quàm Prouincialia, aut Generalia cuiuslibet Prouinciæ, siuè vniuersi Ordinis, Societatis, aut instituti: eorumque, vel earum Camerarios, Commissarios, & quoscumque Officiales, & singulâs personas: ipsos etiam Ordinum, Congregationum, & Societatum huiusmodi Superiores quascumque dignitates obtinentes, etiam Generales, & Prouinciales, Magistros, & quocumque nomine Præfatos, necnon Conuentuum, Monasteriorum, Prioratuum, Præpositurarum, Præceptoriarum, domorum, & locorū, quorumcumque, Abbates, Priores, Præpositos, Præceptores, etiam maiores, Guardianos, Ministros, Rectores atq; Abbatissas, Priorissas, & alio quouis titulo Præsidentes, tam ipsis Regularibus, quàm locorum Ordinarijs, seu quibusuis Superioribus subiectas vtriuslibet sexus ad vitam, vel ad tempus deputatos. aded, vt nemo vnquam eorum, vel earum directè, vel indirectè palam, vel occultè,

tè, tam communi, quàm particulari, & proprio nomine, etiam sub quouis Statuti, vel Consuetudinis, seù veriùs corruptelæ, aut alio prætextu, vel quacumque causa nisi in Generali Capitulo, aut alia Generali Congregat. rematurè discussa vnanimi consensu omnium, Superiorumque permissu causa approbata fuerit, quicquam tale attentare valeat.

Id autem ità absolutè, & generatim vetitum intelligatur, vt neque omnino fas sit quicquam donare, tam ex fructibus, redditibus, & prouentibus, collectis, vel contributionibus, aut oblationibus siue eleemosynis, aut subsidijs certis, vel incertis, ordinarijs, seù extraordinarijs, mensæ, seù massæ communis, vel cuiusuis Fabricæ, & Sacristiæ, quorum bona communiter, vt præfertur, administrantur, seù quæ rationibus reddendis sunt obnoxia, quàm ex pecunijs, etiam, quæ singulis quouis modo acquisitæ in commune conferendæ omnino sunt. Nec si per viam voluntariæ contributionis in commune congerantur. Nec si forsan priuatim, & nominatim cuilibet Religioso à suis Superioribus, vel à proprijs affinibus, propinquis, familiaribus, amicis, aut beneuolis, vel à pijs Christi fidelibus, etiam eleemosynæ, aut charitatis, & illius propriæ personæ intuitu attributæ, seù quoquomodo per quemlibet Religiosum suo Monasterio, Domui, aut loco acquisitæ, eique vt ad libitum de ijs disponat, per Superiores concessæ fuerint: præterquam leuiora esculenta, aut poculenta, seù ad deuotionem, vel Religionem pertinentia munuscula communi tantum, nunquam verò particulari nomine (vbi Superiori de consensu Conuentus videbitur) tradenda.

Sed & huiusmodi missiones munerum ipsis Religiosis utriuslibet sexus non solum per se, verum etiam per ali-



os, tam directè, quàm indirectè prohibitas, declaramus.

Nequè verò quispiam ab hac generali prohibitione se excusare valeat etiam si munera miserit, cuius personæ Laicæ, vel Ecclesiasticæ cuiuscunque status, gradus, dignitatis, ordinis, vel conditionis, & quavis non solum mundana, & Ducali, Regia, Imperiali, verûetiam Ecclesiastica, & Pontificali, aut alia maiori, etiam S.R.E. Cardinalatus dignitate fulgenti, etiam proprio loci Ordinatio, etiam ex causa, & occasione benedictionis, vel susceptionis habitus Regularis, tonsuræ, aut professionis Monachialium, à se sibi subditarum, quàm non subditarum, aut ipsi etiam proprio Ordinis, vel Congregationis Protectori, Viceprotectori, Generali, vel Prouinciali, aut cuiusvis Monasterij, Prioratus, domus, aut cuiuslibet alterius loci Regularis Superiori, aut alio quocumque officio, munere, aut dignitate fulgenti, vel cuicumque etiam simplici, & particulari Religioso. Itaut inter ipsos, quoque Religiosos (ne prauâ ambitione impulsî pro consequendis in sua Religione gradibus, & dignitatibus alter alterius gratiam, aut beneuolentiam aucupetur) quæcumque largitio, aut donatio munerum (nisi rerum minimarum, de licentia expressa, & inscriptis Superiorum) sit pœnitus interdicta.

Insuper prohibemus, ne vnquam eisdem Regularibus liceat vllas pecunias quoquomodo erogare in alicuius etiam benefactoris, aut Protectoris, vel Ordinarij honorem, etiam occasione transitus, vel primi ingressus, aut ad Beneficiorum acceptorum memoriâ, gratique animi testificatione, seu pro dictis personis quavis auctoritate, vel dignitate fungentibus honorificè, lautè, & opiparè excipiendis, seu pro quibûsvis conuiuijs eisdem, aut cuiusvis alteri quacunque occasione, vel causa exhibendis, vel

pro comessationibus, aut comotationibus quibuscumque, tam eiusdem Ordinis, Congregationis, Monasterij, domus, aut loci, quam extraneis largiendis, aut pro exhibendis spectaculis, etiam pijs intra Ecclesias, Monasteria, & domos sacras, seu pias, vel extra eas, in quibuscumque publicis, aut privatis, aut profanis locis, etiam ubi Sanctorum, & Sanctorum vita, aut res pie gestæ, etiam in memoriam Passionis Dominicæ populis spectandæ proponuntur, aut aliàs in prædictis, siue in quibuscumque rebus supervacaneis ad pompam, & ostentationem, aut ad oblectationem, vel paucorum lucrum, & priuata commoda quomodolibet pertinentibus, Nisi re ipsa pro diuino cultu, & veris Christi pauperum indigentibus, seruato in hoc charitatis Ordine, & habita necessitatis ratione, de consilio, & consensu Superiorum subleuandis; aut alias in rebus licitis, & per Capitulum Generale, aut Prouinciale non prohibitis, vel Taxam ibi forsan præscriptam non excedentibus, sumptus huiusmodi fiant.

Declarantes tamen per hæc, laudabilem, & Apostolicam doctrinam, sacrisque Canonibus commendatam hospitalitatem, præsertim erga pauperes, & peregrinos, nequaquam imminui, aut prohiberi. Quinimo si qui redditus ad id, vel ex fundatione, vel ex institutis, statutis, aut consuetudinibus aliquorum Monasteriorum, Ordinum, aut Regularium huiusmodi locorum, aut ex testatorum, vel donantium, voluntatibus, siue aliàs applicati, aut donati sunt, eos omninò ( vt decet ) integrè in usus pios hospitalitatis huiusmodi erogandos esse : & præsertim in Monasterijs, seu locis desertis, & ab laicorum edibus longius remotis, ubi tamen pauperum, & uere egenorum ratio in primis habeatur.

Si quos verò ditiores occasione transitus, siue aliàs ex  
de-

deuotionis, aut necessitatis causa eò diuertere contigerit, eos sanè deceret Refectorio communi cum Religiosis, mensaque, & ferculis communibus, nequaquam à ceteris distinctis contentos esse. Verùm omninò ipsi regulares in hospitibus huiusmodi potentioribus excipiendis ita se gerant, vt in eis frugalitas, & paupertas religiosa, prorsus eluceat.

Pari etiam ratione districtè inhibemus, ne quispiam ex prædictis Laicus alias, quam vt superius dictum est, vel Clericus sæcularis, vel regularis quocunque honore, præeminentia, nobilitate, aut excellentia etiam S. R. E. Cardinalatus dignitate præditus, etiam Protector, Vice-protector, loci Ordinarius, Prælatus Generalis, Prouincialis, aut Monasterij, Domus, vel loci cuiuslibet superior, eorumuè affines, propinqui, familiares, aut Ministri vtriuslibet sexus, quicquam contra hanc superius expressam prohibitionem recipiant.

Quod si, vel ab aliquo particulari Religioso, vel à Superiore quopiam, Generali, Prouinciali, aut alio quocunque officio fungente, aut à Conuentu, Capitulo, vel Congregatione, siuè ab vniuerso Ordine, & Religione, quicquam receperint; id quod acceperint suum non faciant. Verùm ipso facto absque aliqua monitione, Iudicis decreto, sententia, aut declaratione, ad illius restitutionem omninò in vtroque foro teneantur; adeo, vt restitutione ipsa realiter non facta, neque etiam in foro conscientiae absolui possint.

Hanc autem restitutionem fieri volumus non priuatim ei Religioso, qui donauit, sed ei Monasterio, Domui, vel alteri loco, de cuius bonis facta est largitio, vel si nõ de eius bonis donatum est, in quo idem Religiosus donans Professionem emisit; vel si nomine totius Capituli,  
Con-



Conuentus, aut Congregationis, vel vniuerſi Ordinis, ſeu Religionis donatio facta extiterit, pariter communi menſæ, aut maſſæ, cuius nomine donatum fuerit, accepta munera reſtituantur, ita vt nec qui donauit, nec Conuentus, Capitulum, Congregatio, Ordo, aut Religio, cui reſtitutio facienda eſt, illam remittere, & iterum condonare, aut recipientem ab obligatione reſtituendi, eximere, vel vt in Pauperes eroget concedere, quoquomodo poſſit.

Quod ſi quis ex ſupradictis Regularibus vtriuſlibet ſexus cuiuſcunque gradus, ordinis, dignitatis, ac vbilibet locorum exiſtentibus coniunctim, cum cæteris, ſeu diuiſim noſtrarum huiuſmodi prohibitionum, ſtatutorum, ordinationum, iuſſionum, decretorum, mandatorum trãſgreſſor fuerit, ſtatuiſmus, vt omnibus, & ſingulis per eum obtentis dignitatibus, gradibus, muneribus, & officijs eo ipſo priuatus, ac ad illa, & alia ſimilia, vel diſſimilia in futurum obtinenda inhabilis perpetuo, & incapax, ac perpetua infamia, & ignominia notatus exiſtat. Et præterea priuationem vocis actiue, & paſſiue abſq; vlllo Superioris decreto, aut miniſterio, ipſo facto incurrat: necnon, vltra huiuſmodi poenas, etiã tanquã contra furti, & ſimoniæ criminum reum, tam per via denunciationis, accuſationis, aut quærelæ, quàm etiam ex officio procedi, & inquire, condigniſque ſupplicijs affici debeat.

Pœnis alijs à iure ſtatutis, ac per alias Conſtitutiones Apoſtolicas, aut propria cuiuſuis Ordinis, Congregationis, Monaſterij, Domus, aut loci, Statuta, vel Conſuetudines contra perſonas aliquid præmiſſorum committentes, forſan decretis, & inſcriptis, nihilominus in ſuo robore permanſurus.

**Quo** circa vniuerſis, & ſingulis modernis, & pro tempore

poſſe exiſtentibus locorum Ordinarijs, eorumque Vicarijs, & Officialibus, necnon quorumcumque Ordinum, Prioratum, Monafteriorum, & Domorum Superioribus, etiam Generalibus, ſeu Prouincialibus, cæteriſque ad quos ſpectat, per Apoſtolicæ ſcripta mandamus, quatenus ipſi, & eorum ſinguli, quantum ad eos pertinet, curent omni ſtudio, diligentia, auctoritate, & vigilantia, præſentem Conſtitutionem firmiter, & inuiolatè obſeruari, & contra inobedientes, vel transgreſſores cõdignis pœnis animaduerti. Eoſdẽ inobedientes, necnon contradictores quoslibet, & rebelles per opportuna iuris, & facti remedia, appellatione poſtpoſita, compellẽdo, inuocato etiam ad hoc ( ſi opus fuerit ) auxilio brachij ſæcularis.

Non obſtantibus Conſtitutionibus, & Ordinationibus Apoſtolicis dictorumque Monafteriorum, Prioratum, Domorum, Locorum, necnon Ordinum, Cõgregationũ, Collegiorum, iuramento, confirmatione Apoſtolica, vel quauis firmitate alia roboratis, Statutis, & Cõſuetudinibus: Priuilegijs quoque Indultis, & Literis Apoſtolicis quorumcumque tenorum exiſtant, per quæ præſentibus non expreſſa, vel ad verbum non inſerta, effectus præſentis noſtræ Conſtitutionis impediri quomodolibet valeat, vel differri, & de quibus, quorumque totis tenoribus habenda ſit in noſtris literis mentio ſpecialis. Quæ omnia quatenus præmiſſis in aliquo aduerſentur, prorsus tollimus, & abrogamus, cæteriſq; contrarijs quibuſcũq.

Volumus autem, vt præſentes literæ in Valuis S. Io. Lateranen. & Principis Apoſtolorum de Vrbe Baſilicarum, & in Acie Campi Floræ publicentur, affixis inibi earum exemplis, & dimiſſis. Quodque earum exẽpla, ſeu illorum compendia in libris quorumcumque Statutorum prædictorum Monafteriorum, Prioratum, Collegio-

giorum, Domorum, Ordinum & Congregationū (quoad  
 Moniales in vernaculum, & vulgarem cuiusque Regio-  
 nis sermonem verfa) & à loci Ordinario, qui id quam-  
 primum fieri cūret, subscripta inferantur; & saltem quo-  
 tannis in Capitulis, siue Congrègationibus cuiusque ea-  
 rum alta, & intelligibili voce legantur. Et nihilominus  
 post sexaginta dies à die publicationis (vt præfertur) in  
 Rom. Curia facienda, vnumquemque citra mōtes, vltra  
 montes, verò post quatuor menses, perindè arceant, &  
 afficiant, ac si cuique personaliter intimatæ, & per eos  
 iuratæ fuissent.

Quodque earum transumptis etiam impressis, manu  
 Notarij publici subscriptis, & sigillo personæ in dignita-  
 te Ecclesiastica constitutæ obsignatis, eadē prorsus fides  
 in iudicio, & extra illud ubique adhibeatur, quæ adhibe-  
 retur eisdem præsentibus, si essent exhibitæ, vel ostensæ.  
 Nulli ergo omnino hominum liceat hanc paginam no-  
 strorum interdicti, prohibitionis, declarationis, inhibicio-  
 nis, statuti, mandati, sublationis, abrogationis, & volun-  
 tatis infringere, vel ei ausu temerario contraire. Si quis  
 autem hoc attentare præsumperit, indignationem omni-  
 potentis Dei, ac Beatorum Petri, & Pauli Apostolorum  
 eius se nouerit incursum. Datum Romę in Monte Qui-  
 rinali, Anno Incarnationis Dominicæ Millesimo quin-  
 gentesimo nonagesimo quarto, Tertiodecimo kalend. Iu-  
 lij Pontificatus nostri anno III.

**L. Card. Prodatur.**

**M. Vestrius Barbianus.**

**A. de Alexijs.**

**Registrata Apud Marcellum Secret.**



## FERIA V. DIE OCTAVA IVLII 1660.

In Congregatione generali Sanctæ Romanæ, & Vniuersalis Inquisitionis habita in Palatio Apostolico apud S. Mariã Maiorem coram Sanctissimo D. N. ALEXANDRO Diuina Prouidentia Papa VII. ac Eminentissimis, & Reuerendissimis DD. S.R.E. Cardinalibus in Vniuersa Republica Christiana contra hæreticam prauitatem, Inquisitoribus generalibus à S. Sede Apostolica specialiter deputatis.



Incipit aliàs per Constitutionem fel. record. Pauli V. emanatam sub die prima Septembris M. DC. VI. quæ incipit, *Romanus Pontifex*, fuerit districtè prohibitũ Superioribus Regularium, nè quouis titulo, vel pretextu præuentionis, aut consuetudinis, & præscriptionis, etiam immemorabilis, aut alio in causis ad Sanctum Officium spectantibus, se quoquomodo intromittere, aut immiscere, denunciations recipere, testes examinare, processus conficere, causas cognoscere, aut terminare audeant, imò ex eiusdem

K

Con-

Constitutionis dispositione eisdem fuerit grauiter iniunctum, vt suos subditos, ac Religiosos, quos hæresis labe infectos, vel de hæresi suspectos nouerint, absque alia consultatione cum proprijs suæ Religionis Superioribus, vel alia quauis persona facienda, sine mora Inquisitoribus, vel locorum Ordinarijs vicinioribus denuncient: Nihilominus animaduertens Sanctissimus D.N. ALEXANDER VII. ab aliquibus Regularibus in dubium reuocari prædictam denunciandi obligationem, adeò vt nedùm suos subditos non denuncient, verùm etiam fideles ad ipsos pro consilio recurrentes, an debeant Sancto Officio denunciare, quæ audierunt, aut viderunt, ad ipsum Sanctum Officium spectantia, ad id faciendum, vt deberent, non obligent, imò aliquando eosdem perperam instruant, non teneri; nec sub obligatione Constitutionum Apostolicarum comprehendendi; & hanc opinionem erroneis aliquot Doctorum sententijs confirmare tentantes, eosdem in maximum fidei discrimen ab onere denunciandi retrahere conentur. Volens proinde Sanctitas Sua abusu huiusmodi ex sui Pastoralis officij debito coercere, post maturam facti discussionem, auditis Votis Eminentissimorum, & Reuerendissimorum DD. Cardinalium aduersus hæreticam prauitatem generalium Inquisitorum, innouans Constitutionem prædictam à felic. record. Paulo V. emanatam, & quatenus opus sit, eam declarans, Hoc præsentì Decreto districte præcipit, & mandat omnibus, & singulis Regularium Generalibus, Prouincialibus, Abbatibus, Prioribus, Guardianis, Re-  
 ctoribus, Præpositis, alijsque eiusmodi quocunque nomine nuncupatis Superioribus cuiuscunque Ordinis, & Instituti, siue Mendicantium, siue non Mendicantium,

necnon Congregationis, & Societatis, Clericorum Regularium quorumcumque, etiam Societatis Iesu, aliorumque quomodocumque exemptorum, vel non exemptorum, etiam si essent specialitèr, & nominatim exprimendi, ut omninò dictæ Constitutioni in omnibus pareant, & omnes, & quoscumque Religiosos, tam sibi ipsis subditos, quàm non subditos, cuiuscumque dignitatis, gradus, & conditionis existant, hæreticos, vel de hæresi quomodocumque etiam leuiter suspectos, deferant, & iudicialiter denuncient Inquisitoribus, vel locorum Ordinarijs, & nullatenus in causis ad Sanctum Officium spectantibus audeant se intromittere, neque suos subditos ad Sanctum Officium recurrentes, vel recurrere, aut accedere volentes, molestare, vexare, vel alio quouis modo siuè directè, siuè indirectè auertere, retrahere, dissuadere; imò prædictos suos subditos monere debeant, ut ipsi quoque eidem decreto omninò pareant, & alios Christifideles, etiam Confratres suos ad parendum paritèr horrentur, & suadeant, reiectis penitus huiusmodi opinionibus, atque interpretationibus, quas Sanctitas Sua, cum voto dictorum Eminentissimorum DD. Cardinalium, tanquam perniciosas, temerarias, & non consistentes, & à mente Sanctitatis Sux prorsus alienas reprobauit, & reprobat. Et quia quandoque etiam eorum subditi deficiunt in eo, quod ipsis implendum incumbit cum Religiosis eiusdem, alteriusue Ordinis, alijsuè quibuscumque personis de fide suspectis, cæterisque petentibus consilium in materijs ad Sanctum Officium spectantibus, itaut nedùm ipsimet denunciationes differant, vel ab illis prorsus abstineant; verùm etiam multoties ab eisdem alios à se consilium petentes retrahant malis artibus, vel mendicatis Doctorum opi-



nionibus, vel sub fraternæ correctionis factæ, vel facien-  
 dæ, aliouè prætextu. Propterea idem Sanctissimus de-  
 clarauit præfatos subditos absque vlla participatione,  
 etiam si nulla petita venia à Superioribus, etiam si nulla  
 fraterna correctio, vel alia monitio præmissa fuerit, om-  
 ninò teneri, & obligatos esse accedere ad denuncia-  
 dum Ordinarijs, vel Inquisitoribus locorum quoscum-  
 que etiam Confratres, ac Superiores etiam primarios  
 suos eiusdem Ordinis, & Religionis, quos nouerint esse,  
 de fide quomodolibet etiam leuiter suspectos. Ac prop-  
 terea eisdem debere omnes, & quoscumque etiam alios  
 à se consilium, vt supra, petentes monere, & obligare  
 ad denunciandum, nec posse illos à denunciando sub  
 dictæ fraternæ correctionis, vel alio quouis prætextu  
 retrahere, aut retardare, & præfatos omnes tam Supe-  
 riores, quàm subditos contrafacientes Sanctitatis Sua vo-  
 luit, & declarauit subiacere omnibus censuris in dicta  
 Constitutione Pauli V. expressis, nequon priuationis  
 quarumcumque Dignitatum, seu Prælaturarum, seu of-  
 ficiorum suorum Ordinum, ac vocis actiuæ, & passiuæ,  
 perpetuæque inhabilitatis ad eadem ipso facto, & absq;  
 alia declaratione incurrendis, alijsque Sanctitatis Suæ,  
 ac Successorum arbitrio infligendis poenis, quarum re-  
 laxationem, suspensionem, absolutionem, vel dispensa-  
 tionem Sanctitas Sua sibi ipsi, & successoribus suis Ro-  
 manis Pontificibus tantum expresse reseruauit. Et ne  
 præmissorum pretendi possit ignorantia, idem Sanctis-  
 simus mandauit sub eisdem poenis, ipso pariter facto in-  
 currendis, & vt supra reseruatis, vt Superiores omnes  
 præfati in quocumque loco, Conuentu, vel Collegio sui  
 Ordinis, decretum hoc semel saltèm singulis annis Ka-  
 lendis Martij in publica mensa, vel aliàs in Capitulo  
 ad

ad hoc specialiter conuocato, legi curent, vnà cum alijs Decretis, & Constitutionibus Apostolicis ad Sanctum Officium Inquisitionis aduersus hereticam prauitatem pertinentibus quotannis legi solitis, iuxta Decretum fel. record. Urbani VIII. Et insuper iidem Superiores teneantur curare, & efficere, vt huius Decreti exemplum aliquo in loco apud eos publico affigantur, & affixa conferuentur, itaut ab iisdem subditis Religiosis omnibus videri, ac legi commodè queant. Deque huiusmodi lectione, & commonitione publico documento ab iisdem Superioribus Conuentus, vel Domus subscripto, vnaque ab alijs duobus Religiosis eiusdem Domus, vel Conuentus statim certiore facere Congregationem Sanctissimæ Inquisitionis in Vrbe, vel locorum Inquisitores vbi sunt. Statuitque præterea Decretum hoc, seu illius exemplum ad valuas Basilicæ Principis Apostolorum de Vrbe, & in Acie Campi Floræ affixum, omnes vbique existentes arctare, & afficere, ac si vnicuique personaliter fuisset intimatum.

Loco ✠ Sigilli.

*Ioannes Lupus S. Rom. & Vniuers. Inquisit. Not.*

Anno à Natiuitate D. N. IESV Christi millesimo sexcentesimo sexagesimo, Indictione decima tertia, die verò vigesima quarta mensis Augusti, Pontificatus autem Sanctiss. in Christo Patris, & D. N. D. Alexandri Diuina Prouidentiâ Papæ VII. anno eius sexto, supra dictum Decretum affixum, & publicatum fuit ad valuas Basilicæ S. Petri de Vrbe, necnon ad valuas Palatij S. Inquisitionis, ac in Acie Campi Floræ, vt moris est, per me Hieronymum Mascellam eiusdem Sanctissimi D. N. Papæ, & Sanctissimæ Inquisitionis Cursorem.

**DE**

# DECRETVM

Citca vsum Pontificalium Prælatiſ Episcopopo inferioribus concessorum.

A Sacra Rituum Congregatione ordinaria habita coram Sanctissimo Domino Nostro Alexandro PP.

VII. emanatum.

Die 27. Septembris. M. DC. LIX.



**S**ACRORVM Rituum Congregatio tollendis, ac eliminandis circa Ecclesiasticos Ritus, qui irrepserunt abvſibus sedulò intentis, post Episcoporum Ceremoniale euulgatum (quo quidquid ad ipsos in Sacris Ceremonijs pertinet, abundè præscripsit) idem quo ad inferiores Prælatos, qui Pontificalium vſu fruuntur præſtandum curare, neceſſarium exiſtimauit, vt exceſſus aboleantur, vniformiſque inducatur Sacrorum Ritus, in omnibus, eo præſertim tempore, quo priuilegia ipſi perperam interpretantes, obtendentesque, parum obſequi ſtudent decretis, pluries ab eadem Sacra Congregatione hac

in



in re met euulgatis, aut ipsa ignorare prætexunt. Quã-  
obré omnia simul, vt vnico conspiciantur obtutu co-  
gere, perq; capita dirigere constituit, quò faciliùs ob-  
seruentur.

- 1 Super Altari, in quo sacra erunt facturi, septimum,  
nequaquam apponant candelabrum.
- 2 Cathedram, scù sedem fixam, & permanentem in-  
corum Ecclesijs ne derineant, sed tribus diebus ip-  
sis, quibus ex antiquis decretis tantummodo Ponti-  
ficaliter celebrare est ijs permissum, mobili sede scù  
Cathedra vtantur, quàm nihilominus simplici sericeo  
panno coloris festiuitati congruentis obducere po-  
terunt, non auro contexto, aut phrygio, siuè basilico  
exornato opere.
- 3 Baldachinum adhibere supra sedem poterunt non  
preciosum, aut aureum, sed simplex, & eo quod Al-  
tari superimponitur, materia, & opere inferiùs. Ad  
ipsam autem per duos tantum gradus in Præsbyterij  
superficie stratos ascendatur.
- 4 Non abacum aliud præter paruam mensam, & in  
cornu epistolæ parare faciant, in qua duo candela-  
bra cum candelis, nec non Mitra, Calix, Missale,  
& Thuribulum, Naucula, & reliqua ad celebratio-  
nem necessaria collocentur. Propè verò mensam  
eamdem parieti hærens Baculus Pastoralis ap-  
tetur.
- 5 Dies verò, in quibus solemniter ipsis operari conce-  
ditur, sint de præcepto festiui, vel alij, in quibus ipsis  
Pontificaliter celebrare, Festiuitatis ratio exigat,  
nempè Patroni loci, Fundatoris Ordinis, Tituli, &  
Dedicationis Ecclesiæ. Abstineant autem ab huius-  
modi Pontificalium vfu in officijs Defunctorum quo-

cunq; die etiam festiuo, & de præcepto.

- 6 Ad Ecclesiam accedentes licet pontificaliter Diuina peracturi, iisdemque absolutis ab Altari recessuri, à suis Canonicis, vel Monachis ( vt mos est Episcoporum ) ne associari se sinant.
- 7 Præter duos sacrificij Ministros Diaconum nempe Euangelij, & Subdiaconum Epistolæ, duo alij tantum Diaconi Dalmaticis, & vnicus Præsbyter cum pluuiaticis assistant. Duo insuper Cappellani, qui de mitra, & baculo, ac totidem Accolyti pro candelabris inserviant. Præterea sex alij Canonici, vel Monachi, duo scilicet pluuiialibus, duo planetis, totidemque tunicellis induti Diuinis huiusmodi interesse valeant, qui tamen non in sedibus, seù stallis choralibus, sed in scamnis absque postergalibus panno viridi coopertis ritu congruo accommodatis, moxque illinc remouendis consideant.
- 8 Mitram prætiosam, nisi illis expressè à Sancta Sede indultam non adhibeant. Sub Mitra Pileolum nigri tantum coloris induant. Baculum pastorem albo velo appenso deferant, ab ijsque, & alijs Pontificalibus etiam de ordinariorum licentia extra Ecclesias sibi subiectas prorsus abstineant, & neque in processionibus, quæ ab eorum Ecclesijs per vias extra ambitum, vel Parochiam ducuntur, insignijs prædictis vtantur, vel penes se perferri faciant.
- 9 Regulares Rocchetum non deferant, nisi ex tale ordine fuerint, cui indumentum huiusmodi competat.
- 10 Inuitati ad Ecclesiam exëptam, nec in illa Pontificalibus vti valeant; nec ij, qui non fuerint Abbates perpetui, vel benedicti in proprijs Ecclesijs vti possint priuilegio perpetuis Abbatibus, vel aliquibus bene-

dictis indulto.

- 11 Sacras vestes ex Altari non sumant nisi Pontificalitèr Diuinis vacaturi.
- 12 Indulgentias impartiri, vel publicare non audeant absq; expresso S. Sedis indulto.
- 13 Pontificales benedictiones cum trina Crucis productione in Missis tantùm Pontificalibus, necnon Vesperis, & Matutinis Pontificalitèr itidem celebrandis licere sibi tantùm meminerint. Priuatim verò Populis quãuis pleno iure subiectis nisi expressè ipsis permissum fuit, etiam Pontificalibus induti per Ecclesiam incedentes benedicere non præsumant.
- 14 Præsente Episcopo sine speciali Sedis Apostolicæ permissu etiam Pontificalitèr celebrantes à benedictionibus cessent.
- 15 Si Episcopus aderit, ipsius sedes in cornu Euangelij vno saltem gradu eminentior Abbatiali est erigenda; hæcque altero gradu humilior, vt dictum est in cornu Epistolæ collocetur. A latere Episcopi Canonici Cathedralis; propè Abbatē Canonici, vel Monachi Monasterij, & Abbatialis Ecclesiæ consedeant. Confessionem cum celebrante Episcopus faciat, isque thuribulo imponat; Euangeliorum textũ osculetur, & populo solemnitèr (quamuis, Abbas ipse Pontificalitèr celebret) benedicat. Episcopus præterea trino ductu, & immediatè Canonici Cathedralis duplici, moxque Abbas (nisi celebret) pariter duplici, ac subinde Canonici, vel Monachi Abbatialis Ecclesiæ vnico tantùm ductu thurificentur.
- 16 Abstineant tamen Episcopi vbi consuetudo contraria non viget à frequenti huiusmodi accessu ad Ecclesias exemptas in similibus actibus, vt liberius Abba-



tes valeant suis vti priuilegijs.

- 17 In ordinationibus Canonorum, Clericorum Monachorum, necnon in uestitionibus Monialium, & emissione professionis earundem etiam pleno iure sibi subiectarum, in benedictionibus sacre suppellectilis, cæterisque actibus ( Missarum, Vesperarum, & Matutinarum solemnijster tantum in anno, vt præfertur exceptis ) neque in Ecclesijs, Oratorijs, alijsque locis tam publicis, quam priuatis quantumuis exemptis, eisdemque Abbatibus pleno iure subiectis, mitram, baculum, & quæuis alia Pontificalia insignia, nisi de expressa Sedis Apostolicæ concessione adhibeant.
- 18 Ecclesiasticam suppellectilem pro seruitio dumtaxat suarum Ecclesiarum, vel Monasteriorum benedicant.
- 19 Reliqua Pontificalia extra loca ipsis Abbatibus subiecta, vel pro seruitio alienæ Ecclesiæ, aut in subditos pariter alienos, etiam de licentia ordinariorum exercere non valeant, puta campanarum benedictiones, calicum, & similium in quibus sacra adhibetur vnctio, necnon minorum ordinum collationes.
- 20 Concionatoribus, qui eorum subditis Verbum Dei prædicandi onus acceperint, benedictionem elargiri non præsumant, sed Episcopis, quibus ius huiusmodi priuatiuè competit omninò dimittant.
- 21 In Missis priuatis quoad indumenta, cæremonias, Ministros, Altaris ornatum, & benedictionis largitionem à simplici Sacerdote non discrepent; ac proinde Sacras Vestes induant in sacristia; neque vtantur Cruce pectorali; vnico sint contenti ministri; aquam cum pelui, & vrceolo argenteis sibi ministrari non sinant

finant, duasque tantum candelas super Altari adhibeant.

His autem Sanctissimo relatis, & in Congregatione Sacrorum Rituum ordinaria habita coram Sanctitate Sua per Eminentissimum, & Reuerendissimum Dominum Cardinalem Brancacium, accuratè perlectis, maturè discussis, Sanctitas Sua ea approbavit, & pro omni-modà eorundem obseruatione mandauit Typis imprimi, ad valuas affigi, & publicari, vt elapso termino sex mentium à die publicationis eorundem, omnes, & singulos vsus Pontificalium gaudentes, tum sæculares, tum Regulares quantumuis exemptos, & speciali expressione indigentes afficiant, & arctent, ac si omnibus, & singulis eadem exhibita, vel personaliter presentata, intimata, seu notificata fuissent. Indulsetque præterea locorum ordinarijs vt auctoritate Sedis Apostolicæ possint imò debeant præfatos, etiam per censuras compellere.

Cumque nonnulli ex dictis Abbatibus, & Prælatibus proprium habere possint territorium, iuraque Episcopalia, nullisque subdantur Episcopis, qui eos coercere si exceßerint valeant; eo casu à Sedis Apostolicæ nuntijs si aderint, sin minus ab Archiepiscopis, in quorum Prouincijs, vel ab Episcopis Romano tantum Pontifici subiectis intra, vel prope quorum Diocesis limites eorum Ecclesiæ, vel Monasteria sita fuerint, tamquam à S. Sede delegatis ad huiusmodi Decretorum obseruationem prædicti omninò cogantur. Die 27. Sept. 1659.

Episc. Sabinen. Card. Sacchetti.

Loco ✠ sigilli.

Franc. Maria Phoebeus Sac. Rit. Congr. Secr.  
Quæ-

Quæritur. An Regulares distātes per medium milliare à Ciuitate compelli possint, vt ad processiones accedant.


Sac. Congreg. Concilij censuit, Regulares Monasterij vltra medium milliare à Ciuitate distantis non posse ab Episcopo compelli accedere ad Processiones.

In regeſto dictæ Congregationis fol. 14.

---

Altaria sita in Ecclesijs Regularium etiam si sint confraternitatum, nequeunt ab Episcopis visitari. Sacra  
Cōgregatio Episcoporum,  
& Regularium 10.  
Ianuarij

1641.



**F I N I S**